



魏

書

十一



U 8
1735
145





1735  
145

魏書卷一百五之四

天象志一第四

太和十二年十一月戊午太白犯歲又犯火喪疾之祥占曰國無  
 兵憂則君有白衣之會景寅火又犯木占曰內無亂政則主有喪  
 戚之故十二月壬寅太白犯填占曰金為喪祥后妃受之十三年  
 二月熒惑犯填占曰火主凶亂女君應之皆文明太后之謫也先  
 是十一年六月甲子歲星晝見十二月甲戌又晝見是歲六月又  
 如之歲而麗于大明少君象也是時孝文有仁聖之表而太后分  
 權以干冒之及帝春秋方壯始將經緯禮俗財成國風故比年女  
 君之謫屢見而歲星窳盛至于不可掩奪矣且占曰木晝見主有  
 白衣之會是歲九月丙午有大流星自五車北入紫宮抵天極有  
 聲如雷占曰天下大凶國有喪宮且空夫五車君之車府也天象



所購以贈



氏庸南甫



若曰是將以喪事有千乘萬騎而舉者大有聲其事昭盛至十四年三月填星守哭泣占曰將以女君有哭泣之事四月丙申火犯鬼喪祥也六月有大流星從紫宮出西行天象又曰人主將以喪事而出其宮八月太白皆犯軒轅九月癸丑而太皇太后崩帝哭三日不絕聲勺飲不入口者七日納管屢徒行至陵其反亦如之哀毀骨立杖而後起雖殊俗之萌矯然知感焉自九月至于歲終凡四謁陵又荐出紫宮之驗也十四年十一月月犯填星十二月月犯軒轅十五年十月日犯填星又犯軒轅八月又犯之九月月掩填星十七年正月月又犯軒轅皆女君之象也是時林貴人以故事薨及馮貴人為后而其姊諱之至二十年竟坐廢黜以憂死幽后繼立又以淫亂不終十三年十一月戊戌填星辰星合于須女女齊吳分占曰是為雍沮主令不行且有陰親者至十四年三月庚申歲星守牛占曰其君不愛親戚貴人多喪又謹祥也是歲太白三犯熒惑十月太白入氐十一月有大流星從南行入氐甲申齊邦之物也金火相鑠

兵喪為大人之謫天象若曰宿宮有兵喪之故盛大者循而殘之處其寢廟之中矣至十五年三月壬子歲犯填在虛三月癸巳木火土三星合宿于虛甲午火土相犯虛齊也占曰其國亂專政內外兵喪故立侯王九月乙丑太白犯斗四星戊子有大流星起少微入南宮至帝坐主有盛大之臣乘賢以侮其君者且占曰大人易政至十七年正月戊辰金木合于危危亦齊也是為人君且罹兵喪之變四月戊子太白犯五諸侯占曰有擅刑以殘賊諸侯者至七月齊武帝殂西昌侯以從子干政竟殺二君而自立是為齊明帝於是高武諸子王侯數十人相次誅夷殆無遺育矣雖繼體相循實有準命之禍故天謫仍見云自十五年至十七年月行七犯建星建星為忠臣之輔經代之謀又吳之分也十五年再犯牽牛十六年至十七年又四犯南斗是謂臣干天諱且曰大人多死者又十五年七月金入太微十七年火入太微宮反臣之戒是歲月行四入太微十七年六入太微比歲凡十干之而齊君夷其宗室亦積忍酷甚也



十五年四月癸亥熒惑入羽林十六年二月壬子太白入羽林占曰天下兵起三月巳卯四月丙午五月甲戌十月辛卯月行皆入羽林十七年四月壬寅八月辛卯十二月辛巳又如之先是陽平王頤統十二將軍騎士七萬北討蠕蠕是歲八月上勒兵三十餘萬自將擊齊由是比歲皆有事于南方十五年三月掩畢十一月又犯之十六年五月及七月月再入畢八月十一月又再犯之十七年八月又入畢畢為邊兵占曰貴人多死十五年六月濟陰王鬱賜死十七年南平王霄三老尉元皆死十八年安定王休死十九年司徒馮誕太師馮熙廣川王諧皆死

十七年二月庚戌火土合于室室星先王所以制宮廟也熒惑天視填為司空聚而謀之其相宅之兆也且緯曰人君不失善政則火土相扶卜洛之業庶幾興矣是歲九月上罷擊齊始大議遷都冬十月詔司空穆亮將作董邈繕洛陽宮室明年而徙都之於是更服色殊徽號文物大備得南宮之應焉凡五星分野熒惑統朱鳥之宿而填州之分是為步白并州而經始洛邑之祥也

十七年二月丁丑太白犯井辛丑又犯鬼五月戊午晝見九月又如之是謂兵祥雍州也是月火木合于婁婁為徐州占曰其地有亂萬人不安八月辛巳熒惑入井占曰兵革起明年二月詔征南將軍薛真度督四將出襄陽大將軍劉昶出義陽徐州刺史元衍出鍾離平南將軍劉薛出南鄭皆兩雍徐方之分後年正月平南王肅大敗齊師于義陽降者萬餘巳亥上絕淮登八公山並淮而東及鍾離乃還至十九年六月庚申金木合于井七月火犯井三十一年十一月大敗齊師于沔北明年春復大破之下二十餘城於是悉定沔漢諸郡時江南偽立雍州於襄陽以總救西土遺黎故與東并同候

十八年四月甲寅熒惑入軒轅后妃之戒也是時左昭儀得幸方譖訴馮后上蠱而惑之故天若言曰夫膚受之微不可不察亦自我天視而降鑒焉至十九年三月月犯軒轅二十年七月辛巳又掩填星是月馮后竟廢尋以憂死而立左昭儀是為幽后明年追



廢林貞后爲庶人二十二年正月月又掩軒轅十一月又彗星起  
軒轅歷鬼南及天漢天又若曰是固多穢德宜其彗除矣行歷鬼  
又彊死之徵明年幽后賜死也十九年六月壬寅熒惑出于端門  
占曰邦有大獄君子惡之又更紀立王之戒也明年皇太子恂坐  
不軌黜爲庶人至二十一年十月壬午熒惑歲星合于端門之內  
歲爲人君火主死喪之禮而陳于門庭大喪之象也二十二年二  
月乙丑水火合于掖門內是夕月行逮之三月丙午水火俱出掖  
門外再合一相犯月行逮之后妃預有咎焉明年四月宮車晏駕  
夫太微禮樂之庭也時帝方脩禮儀正喪服以經人倫之化竟未  
就而崩少君嗣立其事復寢縉紳先生咸哀慟焉故天視奉而修  
之是以徘徊南宮蓋皇天有以著慎終歸厚之情或曰合于天庭  
南方有反臣之戒是時齊明帝殂比及三年而亂兵四交宮掖旣

蕭衍戡之竟覆齊室云

二十一年十一月有流星照地至天津而滅占曰將有變  
有星大如三斗瓶起貫索東北流光燭地經天棊乃滅有聲如雷天棊天子先驅也  
占曰國中貴人有死者且大赦至三月上南征不豫詔武衛元嵩請治陽賜皇后死

世宗景明元年四月壬辰有大流星起軒轅左角東南流色黃赤  
破爲三段狀如連珠相隨至翼左角后宗也占曰流星起軒轅女  
主後宮多讒死者翼爲天庭之羽儀王室之蕃衛彭城國焉又占  
曰流星于翼貴人有憂擊是時彭城王忠賢且以懿親輔政借使  
世宗諒陰恭已而脩成王之業則高祖之道庶幾興焉而阿倚母  
族納高肇之譖明年彭城王竟廢後數年高氏又鳩于后而以貴  
嬪代之由是小人道長讒亂之風作矣夫天之風戒肇于履端之  
始而沒身不悟以傷魏道豈不哀哉或曰軒轅主后土之養氣而  
庇祐下人也故左角謂之少人焉天象若曰人將喪其所以致養  
幾至流亡離析矣是歲北鎮及十七州大饑人多就食云

是歲十二月  
癸未月暈太



徵既而有白氣長一丈許南抵七星俄而月復暈北斗大角為君以兵自衛又赦許也且為立君之戒時蕭衍立少主於江陵改元大赦尋代金陵以長圍逼之又二年正月暈井參鬚昂五車占曰貴人死大赦是歲廣陵王

二年正月巳未金火俱在奎光芒相掩為兵喪為逆謀大人憂之野有破軍殺將奎徐方也三月丁巳有流星起五諸侯入五車至天潢散絕為三光明燭地五車所以輔衰替之君也流星自五諸侯干之諸侯且霸而脩兵車之命分而為二距之疑之君幾將並立焉魏收以為流星出五車諸侯有反者至五月咸陽王禧謀反賜死戊午填星在井犯鉞相去二寸占曰人君有戮死者時蕭衍起兵襄陽將討東昏之亂是月推南康王寶融為帝踐阼于江陵於是齊有二君矣至八月戊午金火又合于翼楚分也十一月甲寅金水俱出西方占曰東方國大敗時蕭衍已舉夏口平尋陽遂沿流而東東主之師連戰敗績於是長圍守之十二月齊將張稷斬東昏以降又戮主之徵至三年正月火

犯房北星光芒相接癸巳填星逆行守井北轅西星皆大臣賊主更政立君之戒也三月金水合于須女女齊分金水合為兵誅二月丁酉有流星起東井流入紫宮至北極而滅東井雍州之分衍憑之以興且西君之分使星由之以抵辰極是為禪受之命且為大喪是月齊諸侯相次伏誅既而西君錫命衍受禪于建康是為梁武帝戊辰而少主殂自一年至三年月六掩犯斗魁七月火犯斗皆吳分也時江南轆昂畢天船大陵卷舌奎船為徐魯又赦許也且曰多死喪三月青齊徐兗餓死萬餘人七月大赦三年八月暈外青內黃轆昂畢婁胃五車占曰貴人多死十二月月犯昂環月大傳陽平王丕薨後年正月大赦三年八月丙戌有大流星起天中北流大如二斗器占曰有天子之使出自中京以臨北方至四年九月壬戌有大流星起五車東北流占曰有兵將首于東北是歲二月辛亥三月丁未月再掩太白皆大戰之象也庚辰揚州諸將大破梁師于陰陵十一月左僕



射源懷以便宜安撫北邊明年二月又大破梁師于邵陵九月蠕蠕犯邊復詔源懷擊之

是歲七月月暈昴畢觜參井五車占曰早大赦又再暈軒轅大微明年正月月暈五車東井兩河鬼填星是月大赦改元

六月以九陽  
詔撤樂戒膳

正始元年正月戊辰流星如斗起相星入紫宮抵北極而滅夫紫宮后妃之內政而由輔相干之其道悖矣且占曰其象著大有非常之變至二年六月癸丑有流星如五斗器起織女抵室而滅占曰王后憂之有女子白衣之會往反營室覺歸後庭焉三年正月己亥有大流星起天市垣西貫紫蕃入北極市垣之西又公卿外朝之理也占曰以臣犯主天下大凶明年高肇欲其家擅寵乃鳩殺于后及皇子昌而立高嬪為后

先是景明四年七月太白化軒轅大星至二年六月木犯昴占曰人君有白衣之會同上

三年六月丙辰太白晝見占曰陰國之兵彊八月梁師寇邊攻陷城邑秋九月安東將軍邢巒大破之宿豫斬將三十餘人捕虜數

萬十月甲寅月犯太白又大戰之象明年中山王英敗績于淮南士卒死者十八九

又元年正月月暈胃昴畢五車戊午又暈五車東井兩河鬼填星二月甲申又暈昴畢觜參三年正月月暈太微軒轅皆為兵赦是月皇太子生

四年七月己卯有星孛于東北占曰是謂天譏大臣貴人有戮死者凡孛出東方必以晨乘日而見亂氣蔽君明之象也昔魯哀公十三年十一月有星孛于東方明年春秋之事終是謂諸夏微弱蠻夷遞霸田氏專齊三族擅晉卒以干其君明而代奪之陵夷遂為戰國天下橫流矣今孛星又見與春秋之象同天戒若曰是居太陽之側而干其明者固多穢德可彗除矣而君不悟衰替之萌將繇此始乎是歲高肇鳩后及皇子明年又譖殺諸王天下寃之肇故東夷之俘而驟更先帝之法累構不測之禍于明孰甚焉魏氏之孛亂自此始也



永平元年三月戊申熒惑在東壁月行抵之相距七寸光芒相及  
室壁四輔君之內宮人主所以庇衛其身也天象若曰且有重大  
之臣屏藩王室者將以讒賊之亂死於內宮又曰諸侯相謀三月  
癸未填星逆行太微在左執法西是為后黨持政大夫執綱而逆  
行侮法以啟蕭牆之內是月月犯畢六月又掩之占曰貴人有死  
者庚辰太白歲星合于柳柳為周分且占曰有內兵以賊諸侯八  
月京兆王愉出為冀州刺史恐不見容遂舉兵反以誅尚書令高  
肇為名與安樂王詮相攻于定州九月太師彭城王勳于禁中愉  
亦死之

或曰柳豫州分所合之野謀兵有戰野拔邑事至十一月丙子流星起羽林南大如槐  
色赤有星東南引如一匹布橫北縣星占口禁兵起所首召之是歲豫州人白早生  
擊之十二月巒拔懸瓠斬早生

二年三月丁未有流星徑數寸起自天紀孛于市垣光芒燭地有  
尾跡長丈餘凝著天天象若曰政失其紀而亂加乎人浸以萌矣

是將以地震為徵地震者下土不安之應也是月火入鬼距積尸  
五寸積尸人之精爽而炎氣加之疫祥也四月乙丑金入鬼去積  
尸一寸又以兵氣干之彊死之祥也踰逼者事甚鬼主驕亢之戒  
故金火荐災其人以警而懼之五月太白犯歲光芒相觸占曰兵  
大亂歲饑不出三年七月庚辰有流星起騰虵入紫宮抵北極而  
滅天戒若曰彼光後王道者疑以馭陰陽之變矣將有水旱之沴  
地震之祥而後災加皇極焉明年夏四月平陽郡大疫死者幾三  
千人平陽鬼星之分也秋州郡二十大水冀定旱饑四年胸山之  
役喪師殆盡其後繁時桑乾靈丘秀容鴈門地震陷裂山崩泉涌  
殺八千餘人延昌二年詔曰比歲山鳴地震于今不已朕甚懼焉  
至正月宮車晏駕

七年十一月丙戌月掩畢火星至三年八月火犯積尸占曰貴人死又  
饑疫祥也比年水旱災疫是月中山王略薨明年春司徒廣陽王嘉薨

二年九月甲申歲星入太微距右執法五寸光明相及十二月乙



西逆行入太微掩左執法三年閏月壬申又順行犯之相去一寸保乾圖曰臣擅命歲星犯執法是時高肇方為尚書令故歲星反復由之所以示人主也天若言曰政刑之命亂矣彼居重華之位者盍將反復而觀省焉今雖厚而席之適所以為禍資耳且占曰中坐成刑遠期五年間五歲而肇誅四年四月庚午熒惑犯軒轅大星至五月入始由軒轅而省執法之位其象若曰是居后黨而擅南宮之命君其降監焉其應與歲星同也四年正月戊戌有流星起張西南行殷殷有聲入參而滅張河南之分參為兵事占曰流星自東方來至伐而止有來兵大敗吾軍有聲者怒也先是去年十一月月犯太白是歲又犯之在胃八月辛酉又犯之胃為徐方大戰之象也十月戊寅有大流星孛于羽林南流色赤珠落下入濁氣孛然而流王師潰亂之兆先是梁胸山鎮殺其將來降詔徐州刺史盧昶援之十二月昶軍大敗於淮

南淪覆十有餘萬是歲七月乙巳有流星起北斗魁前西北流入紫宮至北極而滅占曰不出莽年兵起且亡吾戒是歲有胸山之役間歲而帝崩

四年十二月己巳歲星犯房上相相距一寸光芒相及至延昌元

年三月丙申歲星在鈎餘東五寸距鍵閉三寸丙午又掩房上相

天象若曰夫鈎鍵之嚮君上所宜獨操非驂服所當共也先是高

肇為尚書令而歲星三省執法是歲至升為司徒猶怏怏不悅而

歲星又再循之所以示人主審矣間二歲而上崩肇亦誅滅或曰木與房合

主喪水又元年二月月暈井鬼軒轅十月又暈井五車參畢皆水旱饑放之祥自元年二月不雨至六月雨水二年四月庚子出禍十五萬匹賑河南饑人是夏州郡十二大水八月滅天下殊死

二年四月庚午熒惑犯軒轅大星十月壬申月失行犯軒轅大星

至延昌元年三月填星在氐守之九十餘日占曰有德令拜太子

女主不居宮至十月立皇太子賜為父後者爵旌孝友之家至二

年三月乙丑填星守房占曰女主有黜者以地震為徵地震者陰

盈而失其性也四月丙申月掩填星七月戊午又如之是為后妃



有相遷奪者且曰女主死之時比歲地震至三年八月太白又犯軒轅十二月月掩熒惑皆小君之謫也時高后席寵凶悍雖人主猶畏之莫敢動搖故世宗胤嗣幾絕明年上崩后廢為尼降居瑤光寺尋為胡氏所害以厭天變也

延昌元年八月己未有流星起五車西南流入畢畢邊兵也占曰有兵車之事以所直名之至二年十一月戊午又有流星起五車西南統殷殷有聲憑怒者事盛也十二月己卯有流星西南流分而為二又偏師之象也至三年六月辛巳太白晝見占曰西兵大起有王者之喪十一月大將軍高肇伐蜀益州刺史傅豎眼出北巴平南羊祉出涪安西奚康生出綿竹撫軍甄琛出劔閣會帝崩旋師先是元年三月己酉木土相犯占曰人君有失地者將死之又曰先作事者敗兵必受其殃三年九月太白掩右執法是為大將軍有羅刑辟者先是二年二月梁郁洲人保玄明斬大將張櫻來降及肇出征退亦就戮

元年三月乙未有流星起太陽守歷北斗入紫宮抵北極至華蓋而滅太陽守所以彌承帝車大臣之象今使星由之以語天極之位臣執國命將由此始乎且占曰天下大凶主室其空先是去年八月至十月月再入太微是歲三月又如之十二月甲戌月犯火于太微占曰君死不出三年貴人奪權失勢二年三月辛酉熒惑又犯太微占曰天下不安有立君之戒九月丁卯入太微犯屏星明年正月而世宗崩於是王室遂卑政在公輔三年二月月暈畢五車太白東井占主赦是月太白失行在天關北占有關梁之兵道不通明年正月肅宗立大赦天下二月梁將任太洪帥眾寇關城四年五月庚戌九月乙丑十月癸巳月皆犯太微中歲而驟于之疆臣不御執法多門之象也閏月戊午月犯軒轅又女主之謫十一月庚寅木火會于室相距一尺至甲午火徙居東北亦相距一尺室為後宮火與木合曰內亂環而營之或淫事干逼諸侯之象



占曰姦臣謀大將戮若有夷族之害以赦令除之先是三年九月  
太白犯執法是歲八月領軍于忠擅戮僕射郭祚九月太后臨朝  
淫放日甚至逼幸清河王懌其後羽林千餘人焚征西將軍張彞  
宅辜死者百數朝廷不能討於是大赦原羽林亦營室之故也魏收  
以為已犯大赦大臣有死者其後安定王薨月犯軒轅女主憂之其後皇太后  
高尼崩于瑤光寺營室又主土功也胡太后害高氏以厭天變乃以后禮葬之  
四年十月太白犯南斗斗為吳分占曰大兵起先是三年四月有  
流星起天津東南流轢虛危天津主水事且曰有大衆之行其後  
梁造浮山堰以害淮泗諸將攻之是歲閏月有大彗星起七星南  
流色正赤光明燭地尾長丈餘歷南河至東井七星河南之分也  
流星出之有兵起施及東井將以水禍終之又占曰所與城等疑  
是時鎮南崔亮攻梁師于硤石明年二月鎮東蕭寶夤大破梁淮  
北軍九月淮堰決梁人十餘萬口皆漂入海

肅宗熙平元年三月丙子太白犯歲星十二月甲辰月犯歲星是  
謂疆盛之陰而陵少陽之君歲又諸侯也天象若曰始由內亂干  
之終以威刑及之是歲正月熒惑犯房四月庚子又逆行犯之癸  
卯月又犯房占曰天下有喪諸侯起霸將相戮十一月大流星起  
織女東南流長且三丈光明照地占曰王后憂之有女子白衣之  
會間歲高太后殂司徒國珍薨中宮再有喪事其後僕射于忠司  
徒任城王澄薨既而太后幽逼清河中山王戮死或曰月太白犯歲星僅  
祥也火犯房陳兵滿野  
有饑國且大赦又元年十二月月彗并彗五車占曰水旱有故至二年正月大赦十月幽薨  
流大饑是月月再彗畢參五車占曰饑赦明年幽州大饑死者數千人自正月不雨至六月是歲  
四夷反叛兵大  
出又赦改元  
二年六月癸丑有大流星出河鼓東南流至牛十一月流星起河  
鼓色黃赤西南流長且三丈有光照地至神龜元年四月壬子有  
流星起河鼓西北流至北斗散滅河鼓鼓旗之應也故流星出之



兵出入之兵入昔宋秦始初大流星出自河鼓西南行竟夜有小星百數從之既而諸侯同時作亂至是三出河鼓秦州屬國羌及南秦東益氏皆反七月河州人却鐵忽與羣盜又起自稱水池王詔行臺源子恭及諸將四出征之朝廷多事故天應屢見云

神龜二年四月甲戌大流星起天市垣西東南流轆尾光明燭地天象若曰將作大眾而從后妃之事矣以所首名之是歲九月太后幸松高或曰市垣所以均國風尾幽州也明年詔尚書長孫稚撫巡北蕃觀省風俗二月丙辰月在參畢井宿夾歲星五車占曰有死相且赦明年諸王多伏辜又大赦

二年八月己亥太白犯軒轅是月月又犯之至正光元年正月月又犯軒轅大星四月庚戌金火合于井相去一尺占曰王業易君失政大臣首亂將相戮死以用師大敗五月丙午太白犯月相距三寸占曰將相相攻秦國有戰七月太白犯角角天門也是為兵

及朝廷占曰有謀不成破軍斬將是月侍中元叉矯詔幽太后于北宮殺太傅清河王懌八月中山王熙起兵誅元叉不克遇害明春衛將軍奚康生謀討义于禁中事泄又死是冬諸將伐氏官軍敗績

正光元年九月辛巳有彗星光爛如火出于東方陰動爭明之異也感精符曰天下以兵相威以勢相乘至威疑亂起布衣從衡禍未庸息帝宮其空昔正始中天讒字于東北是歲而攝提復周故天象若曰夫讒之亂萌有自來矣彗除之象今則著矣戰國之禍將由此作乎間三年而北鎮肇亂關中迹之自是姦雄鼎沸覆軍相踵其灾之所及且二十餘年而猶未弭焉梁志曰九月乙亥有星晨見東方光如火占曰國皇見有內難

急兵明年義州反乙亥去辛巳凡六日而北方觀之其氣蓋同矣始子其明以妖南國既又彗而布之以除魏邦  
二年四月甲辰火土相犯於危十一月辛亥金土又相犯于危危



存亡之機太白司兵熒惑司亂而玄枵司人土下之所係命也三  
精游聚羣臣叶謀以濟屯復之運焉占曰天下方亂甲兵大起王  
后專制有虛國徒王至四年四月己未火土又相犯于室是謂後  
宮內亂且占曰欲殺主天子不以壽終或曰魏氏軒轅之裔填星  
之物也赤靈為母白靈為子經綸建國之命所以傳撥亂之君也  
其受之者將在并州與有齊之國乎其後太后淫昏天下大壞上  
春秋方壯誅諸佞臣由是鄭儼等竦懼遂說太后鳩帝既而余朱  
氏興于并州終啟齊室之運卜洛之業遂丘墟矣二年十月月掩心大星  
至三年正月月掩心距

星四月丁丑又知之占曰亂臣在側

五年閏五歲而肅宗崩

三年七月庚申有大流星如五斗器起王良東北流長一丈許王  
良主車騎且曰有軍涉河昭盛者事大是日月在昴北三寸十一  
月乙卯又如之是謂兵加匈奴且胡王之謫也先是蠕蠕阿奴瓌

失國詔北鎮師納之是歲八月蠕蠕後王來奔懷朔鎮間歲阿那

瓌背約犯塞詔尚書令李崇率騎十萬討之出塞三千餘里不及

而還

三年九月庚戌月暈晉鼎畢五車辛亥又暈之占曰闕二有赦至  
三年九月月在畢暈昴畢皆參五車是歲夏大旱十二月大赦

三年二月丁卯月奄太白京師不見涼州以聞占曰天下大兵起  
涼州獨見災在秦也三月癸卯有大流星起西北角流入紫宮破  
為三段光明照地角星主外朝兵政流星由之將大出師之象若  
曰將以兵革之故王室分崩入抵紫宮天下大凶有虛國之象四  
月癸酉有大彗星歷紫微入北斗東北首光明燭地殷然如雷盛  
怒之象也皆以所直名之至四年八月乙亥月在畢奄熒惑又邊  
城兵亂之戒也十月乙卯太白入斗口距第四星三寸光芒相奄  
占曰大兵起將戮辱又吳分也五年正月沃野鎮人破落汗拔陵  
反臨淮王彧征之敗績于五原六月莫折大提反於秦雍州刺史



元志討之又大敗於隴東明年南方諸將頻破梁師至八月杜落  
周起上谷其後鮮于脩禮反定州王師比歲北征冀方大震既而  
葛榮承之竟陷河北五年二月月在參軍當參五車東井後惑八月又暈之  
閏月月月在張翼再暈軒轅太微占曰兵起士卒多逃走  
一曰士卒大聚又皆赦祥也是時徵調驟起兵相蹈藉又有詔內外戒嚴將  
親征自二月至六月再大赦天下十月月在畢暈昂畢背參後年春又大赦  
先是二年九月歲星犯左執法至三年正月癸丑又逆行犯之相  
去四寸光芒相及五月丙辰歲星又奄左執法是時宦者劉騰與  
元义叶謀遂總百揆之任故歲星反復由之與高肇同占至四年  
二月騰死义由是失援其年十一月庚戌歲星犯房上相相距二  
寸光芒相奄五年四月己丑歲星又逆行犯之明年皇太后反政  
义遂廢黜昔高肇為尚書令而歲星三省之及升于上栢歲星亦  
再循之至是三犯執法而騰死再于上相而又敗曠宮之譴異代  
同符矣

孝昌元年五月太白犯軒轅八月在張角盛大占曰有彙酷之兵  
張河南也十二月火入鬼又犯之占曰大賊在大人之側后以淫  
泆失政又秦分也二年正月癸卯金木相犯於牛十一月戊申又  
相犯于女歲所以建國均人女為蠶妾牛為農夫天象若曰是將  
罹以寇戎而喪其耕織之務矣且曰有亂兵大戰而波及齊吳是  
歲八月甲申月在胃奄鎮星閏月癸酉又奄之三年正月戊辰又  
奄之是為女君有罹兵刑之禍者洵干之事甚而眾也又占曰天  
下大喪无主貴人兵死國以滅亡又二年三月奔星大如斗出紫  
微東北流光照地占曰王師大出邦去其君六月有奔星如斗起  
大角入紫宮而滅棟星以肆觀羣后而敷威令于四方也今大號  
由之以詔天極不以逆乎且有空國徙王之戒焉十月有星八月  
中而滅占曰入而無光其國卒滅星反出者亡國復立是歲四月



至三年九月熒惑再犯軒轅大星武泰元年正月又逆行復犯之  
占曰主命將失女君之象亂逆之災三月庚申月奄畢大星占曰  
邊兵起貴人多死者是時淫風滋甚王政盡弛自大河而北極關  
而西覆軍屠邑不可勝計既而蕭寶寅叛于雍州梁師驟伐淮泗  
連兵貴士萬姓嗷嗷喪其樂生之志矣是歲二月帝竟以暴崩四  
月余朱榮以大兵濟河執太后及幼主沈諸中流害王公以下二  
千遂專權晉陽以令天下焉三年正月癸酉月在井暈背參兩河  
五車七月大赦明年少主立又大赦  
莊帝永安元年七月癸亥太白犯左角相距四寸光芒相掩兵及  
朝廷之象占曰大戰不勝貴人有來者其謀不成至二年閏月熒  
惑入鬼犯積尸占曰兵起西北有鈇鉞之誅是歲北海王顥以梁  
師陷考城執濟陽王暉業乘虛逐勝遂入洛陽至七月王師大敗  
之顥竟戮死有謀不成之驗明年余朱天光擊反虜萬俟醜奴及

蕭寶寅于安定克之咸伏誅

二年十一月熒惑自鬼入太微西掖門犯上將出東掖門犯上相  
東行累日句已去來復逆行而西十二月乙丑月又掩之至三年  
正月癸未逆行入東掖門已丑月入太微龔熒惑辛卯月行太微  
中又暈之三月巳卯在右執法北一尺五寸留十四日至壬辰月  
又掩之復順行而東四月戊午月又干太微而暈巳未熒惑出端  
門在左執法南尺餘而東自魏興以來未有循環反復若此之荐  
也是時孝莊將誅權臣有興復魏室之志是以誠發於中而熒惑  
咨謀於上焉其占曰有權臣之戮有大兵之亂貴人以彊死而天  
下滅亡至五月巳亥太白在參晝見參爲晉陽之墟天意若曰于  
明之慶於是乎在矣七月甲午有彗星晨見東北方在中台東一  
丈長六尺色正白東北行西南指丁酉距下台上星西北一尺而



晨伏庚子夕見西北方長尺東南指漸移入氐至八月己未漸見  
癸亥滅占曰彗出太階有陰謀姦宄與凡天事為之徵形以戒告  
人主始滌公輔之穢而彗除之權臣將滅之象再干太陽之明而  
後陵奪之逆亂復興之象也三月而見者變近亟也究于內宮者  
反仇其上也近期在衝遠期一年先是二月壬申有大流星相隨  
西北尾迹不絕以干計西北直晉陽之墟而微星庶人所以載皇  
極也人徙而君從之是月戊戌有大奔星自極東貫紫宮而出影  
迹隨之遷君之應至九月上誅太原王榮上黨王天穆于明光殿  
是夕余朱氏黨攻西陽門不克退屯河陰十二月洛陽失守帝崩  
于晉陽白是南宮版蕩劫殺之禍相踵先是永安元年七月丙子  
十一月丙寅十二月癸巳月皆奄畢大星至二年三月乙卯月入  
畢口八月乙丑又距畢左股二寸光芒相奄須臾入畢口十二月

丙辰掩畢右股大星三年六月乙巳又犯畢大星八月庚申入畢  
口犯左股大星是月辛丑太白犯軒轅明年五月月又犯畢右股  
遂入之畢星所以建魏國之命也占曰天下有變其君大憂邊兵  
起上將戮月海干之事甚而眾及余朱兆作亂奉長廣王為主號  
年建明明年二月又廢之而立節閔六月高歡又推安定王為帝  
於信都復黜之後更立武帝於是三少王相次崩殂又洛陽再陷  
六宮汗季有兵及軒轅之效焉永安二年十月辛亥十二月丁巳月皆在畢畢昂畢  
填星觜參五車普泰元年正月己丑月在角暈於  
節閔普泰元年五月辛未太白出西方與月並間容一指戰祥也  
先是去年十一月辛丑月在太白北不容一指占曰有破軍殺將  
主人不勝既而余朱氏南侵王師敗績至是又與月合幾將復之  
乎十月甲寅金火歲土聚于觜參甚明大晉魏之墟也且曰兵喪

為二年元連環暈北斗大角織女十月又暈  
昂畢常參井五車是時應救之令歲月相踵



並起霸君興焉是時渤海王歡起兵信都改元中興至十一月巳卯奔星如斗起太微東北流光明燭地有聲如雷占曰大臣有外事以所首事命之或曰中國失君有立王遷主著而有聲者盛怒也是時余朱氏成師北伐明年三月癸巳火逆行犯氐占曰天子失其宮閨月庚申歲星入鬼犯天尸占曰有戮死之君既而余朱兆等大敗于韓陵覆師十餘萬四月武帝即位比及歲終凡殺三廢帝孝武永熙元年九月太白經天十一月辛丑有大流星出昴北東南流轆畢貫參光明照地有聲如雷天象若曰將有髦頭之兵憑陵塞垣與大司馬合戰明年正月丁酉渤海王歡追擊兆等于赤洪嶺大破之余朱氏殲焉

二年四月太白晝見九月丁酉火木合于翼相去一寸光芒相掩占曰是謂內亂姦臣謀人主憂甲寅金火合于軫相去七寸光芒相及占曰是謂相鏢不可舉事用兵翼軫南宮之蕃又荆州也

三年三月癸巳有奔星如三斛甕起匏瓜西流入市垣有光燭地迸流如珠尾跡數丈廣且三尺凝著天狀如蒼白雲須臾屈曲蛇行匏瓜為陰謀星大如甕為發謀舉事光盛且大人貴而眾也以所首名之且為天飾王者更均封疆是時斛斯椿等方說上伐高歡荆州刺史賀拔岳預謀焉高歡知之亦以晉陽之甲來赴七月上自將十餘萬次河橋望歡軍憚之不敢戰遂西幸長安至十月渤海王更奉孝靜為主改元天平由是分為二國更均封疆之應也是月歡命侯景攻荆州拔之勝南奔是年三月庚子水逆行在左執法北一寸乍見乍不見占曰強臣擅命改政建元十二月上崩由是高歡宇文泰擅權兩國又二年十一月乙丑三年八月庚午十二月庚申月皆在畢畢畢參五車自三年二月至明年正月東西魏太赦四年  
三年五月巳亥熒惑逆行掩南斗魁第二星遂入斗口先是元年



十一月熒惑入斗十餘日出而逆行復入之六十日乃去斗大人  
之事也占曰中國大亂道路不通天下皆更元易政吳越之君絕  
嗣是歲東西帝割據山河遂為戰國比十月至正月梁魏三帝皆  
大赦改元或曰斗為壽命之養而火以亂氣干之耄荒之戒也是  
時梁武帝年已七十矣怠於聽政專以講學為業故皇天殷勤著  
戒又若言曰經遠之謀替矣將以逆亂終之而勦其天祿焉夫天  
懸而示之且猶不悟其後攝提復周卒有侯景之亂云三年十二月梁  
人立元慶和為  
魏王屯平瀨明年正月東南行臺元晏大破之六月豫州刺史竟維又大破梁師於南頓十月梁  
攻隨父徐州刺史任祥又大破之斬虜萬餘級十二月柳仲禮寇荊州諸將又大敗之時梁軍政  
益施故累有  
負敗之應

東魏孝靜天平二年有星孛于太微歷下台及室壁而滅南宮成  
周之墟孝文之餘烈也孛星由之易政徙王之戒天象若曰王城  
為墟夏聲幾變而台階持政有代奪之漸乎且抵于營室更都之

象也是後兩霸專權皆以北俗從事河南新邑遂為戰爭之郊間

三歲至興和元年九月發司州卒十萬營鄴都十月新宮成天平元  
年閏月

月掩心大星二年八月又犯之相去七寸十一月又掩心小星相臣逼主之象且占曰人臣伐主  
應以善事除殃時兩雄王業已定特以人臣取容而已至興和二年八月月又犯心大星後數年  
而禪  
代

元象二年七月壬戌金土合于七星癸亥遂犯七星七星河南之  
分金而犯土將有封畿之戰且占曰其分亡地先是去年十二月  
癸丑太白食月是歲三月壬申太白又與月合相距一寸大戰之  
祥也月象彊大之國而金合之秦師將勝焉十二月有流星從天  
市垣西流長且一丈有尾跡三年正月渤海王歡攻夏州克之十  
月丁丑月犯火占曰大將有鬪死者十二月大都督竇泰八潼關  
明年宇文泰距擊斬之十月遂及渤海王歡戰于沙苑歡軍敗績  
捕虜萬餘是月獨孤信拔洛陽



三年十一月受惑犯歲星占曰有內亂臣謀主至四年正月客星出于紫宮占曰國有大變二月壬申八月癸未月再掩五車東南星占曰兵起道不通十一月太白晝見占曰軍興為不臣五年二月庚戌三月甲子填星逆順行再犯上相上相司徒也六月太白入東井占曰秦有兵大臣當之至元象元年七月太白在柳晝見柳河南也八月辛卯有大流星出房心北東南行長且三尺尾迹分為三段軍破為三之象也先是行臺侯景司徒高昶圍金塘西帝及宇文泰自將救之是月陳于河陰泰以中軍合戰大克司徒高昶死之既而左右軍不利西師由是敗績斬將二十餘人降卒六萬是月西帝大傅梁景獻據長安反關中大震尋皆伏誅天平三年元年二月月再掩軒轅大星是年西帝廢皇后乙氏立蠕蠕女為后明年五月火犯軒轅大星既而乙氏遇害其後蠕蠕后又死乙氏彙彙為元象元年十月月犯昂畢畢胃丁未在翼輩大星軒轅左角十一月在井輩五車兩咸東西王凡三大赦

興和元年二月壬子火犯井占曰秦有兵亂貴人當之四月又入鬼亦兵喪之祥也又土地之分也至二年十一月甲戌太白在氏與填星相犯氏鄭地也至四年七月壬午火木合于井相去一尺占同天平明年北豫州刺史高仲密據武牢西叛宇文泰帥眾援之戊申及渤海王戰于邙山西軍大敗虜主侯將校四百餘人獲六萬餘級元年八月月在畢輩畢畢五車二年正月大赦三年正月至八月又再暈之歲星在焉四年十一月月暈軒轅太微五申又暈畢畢五車皆兵饑赦祥也明年東西王皆大赦後年三月高歡入朝以泰冬亢旱請賑窮乏死罪已下皆有之先是元年十月辛丑有彗星出于南斗長丈餘至十一月丙戌距太白三尺長丈餘東南指二月乙卯至婁始滅占曰彗出南斗之士皆誅其上疑又吳分始自微末終成著大而與兵星合焉天戒若曰夫劫殺之萌其事由來漸矣而人君辨之不早終以兵亂橫流不可撲滅焉婁又徐方之次亂之所自招也至二月四月巳丑金木相犯于奎丙午火木又相犯于奎



奎為徐方所以虞蹶防之寇也歲主建國之令而省人君之差敗  
火主亂金主兵三精洊而聚謀所以哀矜下土而示驅除之戒也  
是時梁主衰老太子賢明而不能授之以政焉由是領軍朱异等  
浸侵明福之權至武定五年侯景竊河南六州而叛又與連衡而  
附益之是歲十二月梁師敗績于彭城捕虜五萬餘級江淮之間  
始蕭然愁歎矣明年師大敗陷溺以十萬數景遂舉而濟江三吳  
大荒道殣流離者大半淮表二十六州咸內屬焉昔三精聚謀於  
危九年而高氏霸至是聚謀於奎而蕭氏亡亦天之大數云爾至  
武定二年四月丁巳熒惑犯南宮上將戊寅又犯右執法占曰中  
坐成刑金火尤甚四年四月庚午金晝見六月癸巳月入畢九月  
壬寅太白在左執法東南三寸許是為執法事五年正月月犯畢  
大星貴人之謫也先是九月大丞相歡圍玉壁不克是月歡薨于

晉陽辛亥侯景反僕射慕容紹宗擊之八月淮南三王謀反誅明

紹宗攻王思政于潁川竟溺

四年九月月在翼轸軒轅太微帝坐五年二月量昂甲參并五車五月在張又量軒轅太微時兵革屢動東西

帝昔比  
歲大放

七年九月戊午月掩歲星在斗斗為天廟帝王壽命之期月由之  
以干歲星是為大人有篡殺死亡之禍是歲梁武帝以憂逼殂明  
年而齊帝後年西主文帝及梁簡文又終天下皆有大故而江表  
尤甚八年三月甲午歲鎮太白在虛虛齊分是為驚立絕行改立  
王公熒惑又從而入之四星聚焉五月丙寅帝禪位于齊是歲西  
主大統十六年也是時兩主立而東帝得全魏之墟於天官為正  
昔宋武北伐四星聚奎及西伐秦四星聚井四星聚參而渤海始  
霸四星聚危而文宣受終由是言之帝王之業其有徵矣其後六  
年西帝禪于周室天文史失其傳也



魏書卷一百五之四 天象志一第四終

魏書卷一百五之四

魏書卷一百六上

地形志二上第五

魏書卷一百六上

夏書禹貢周氏職方中畫九州外薄四海析其物土制其疆域此蓋王者之規摹也戰國分并秦吞海內割裂都邑混一華夷漢興卽其郡縣因而增廣班固考地理焉彪志郡國魏世三分晉又一統地道所載又其次也自劉淵石勒傾覆神州僭逆相仍五方淆亂隨所跨擅

長更相侵食彼此不恒犬牙未足論繡錯莫能比

魏定燕趙遂荒九服夷翦逋僞一國一家遺之度外吳蜀而已正光已前時惟全盛戶口之數比夫晉之太康倍而已矣孝昌之際亂離尤甚恒代而北盡爲丘墟嶠潼已西煙火斷絕齊方全趙死如亂麻於是生民耗滅且將大半永安末年胡賊入洛官司文簿散棄者多往時編戶全無追訪今錄武定之世以爲志焉州郡徠

魏書卷一百六上



改隨而注之不知則闕內史及相仍代相訟魏自明莊寇難紛糾  
攻伐既廣啟土逾眾王公錫社一地累封不可備舉故總以為郡  
其淪陷諸州戶據永熙綰籍無者不錄焉

司州 治鄴城魏武帝國於此太祖天興四年置相州天平元年遷都改

領郡十二

縣六十五

戶三十七萬一千六百七十五

口一百四十五萬九千八百三十五

魏尹 故魏郡漢高祖置二漢屬冀州晉屬司州天興中屬相州天平初改為尹

領縣十三

戶一十二萬二千六百一十三

口四十三萬八千二十四

鄴 漢屬晉天平初併蕩陰安陽屬之蕩陰太和中置關今罷有西門豹祠武城屬臨漳 天平初分

鄴併內黃斥丘肥鄉置有鼓山肥鄉城邯鄲城斥丘 二漢屬晉屬頃丘真君六年併頃丘太丘城列入城鄴城林臺澤有左部東部北部尉 二漢屬晉屬頃丘真君六年併頃丘太丘城

列人 前漢屬廣平後漢屬晉屬廣平天平初屬 二漢屬晉屬頃丘真君六年併頃丘太丘城

昌樂 太和二十一年分魏置永安元年置郡天平中罷郡復有昌城 二漢屬晉屬頃丘真君六年併頃丘太丘城

武安 二漢屬晉屬頃丘真君六年併頃丘太丘城 二漢屬晉屬頃丘真君六年併頃丘太丘城

元城 二漢屬晉屬頃丘真君六年併頃丘太丘城 二漢屬晉屬頃丘真君六年併頃丘太丘城

陽平郡 魏文帝黃初二年分魏置治館陶城

領縣八

戶四萬七千四百四十四

口十六萬二千七十五

館陶 二漢屬魏郡晉屬有館陶城 二漢屬魏郡晉屬有館陶城

清淵 二漢屬魏郡晉屬有清淵城 二漢屬魏郡晉屬有清淵城

樂平 二漢屬東郡晉屬前漢清縣後漢章帝更名治樂平城 二漢屬東郡晉屬前漢清縣後漢章帝更名治樂平城

發干 二漢屬東郡晉屬有發干城 二漢屬東郡晉屬有發干城

臨清 太和二十一年置 太和二十一年置

武城 永安中置天平元年罷二年復有武城 永安中置天平元年罷二年復有武城

武陽 二漢屬東郡晉屬東武陽後改屬 二漢屬東郡晉屬東武陽後改屬

陽平 二漢屬東郡晉屬永 二漢屬東郡晉屬永

平城 尚城趙簡子陵武溝水白馬淵 尚城趙簡子陵武溝水白馬淵



廣平郡

漢武帝為平十國宣帝改為廣平國後漢建武中省屬鉅鹿魏文帝黃初二年復改治曲梁城

領縣六

戶二萬三千七百五十

口十萬三千四百三

平恩

漢屬魏郡晉屬治平恩城有康臺澤

曲安

景明中分平恩置治曲安城

邯鄲

漢屬趙國晉屬後屬魏真君六年屬有紫山

廣平

前漢屬後

汲郡

晉武帝置治城頭

曲梁

前漢屬後漢屬魏晉屬

廣年

前漢屬後漢屬鉅鹿晉屬永嘉後廢太和二十年復治廣年城

領縣六

戶二萬九千八百八十三

口十萬二千九百九十七

北修武

孝昌中分南修武置治清陽城有清陽泉馬泉丁公神育河陶河尉斗泉覆釜山五里泉七里泉馬鳴泉重泉郡戒安陽城

南脩武

漢屬河內晉屬有

黃家吳城

汲

漢屬河內晉屬後罷太和十二年復治汲城有比干墓太公廟陳城與和二年恒農人率戶歸國仍置義州於城中

朝歌

漢屬河內晉屬有朝歌城在

方城大方山淇水白溝水天井溝苑城新城伏羲祠

山陽

漢晉屬河內後屬有沁陽城南北二武陽城

獲嘉

漢屬河內

省太和二十三年復治新洛城有獲嘉城

廣宗郡

太和十一年立尋罷孝昌中復

領縣三

戶一萬三千二百六十二

口五萬五千八百九十七

廣宗

後漢屬鉅鹿晉屬安平中與中立南北

武強

真君三年併信都太和二十一年復有武城

經

後漢晉屬安平真君二年

併南宮

東郡

秦置治滑臺城晉改為濮陽後復天興中置兗州太和十八年改

領縣七

戶三萬五百二十一

口十萬七千七百二十七

卷之百六十一

七



**東燕** 二漢屬晉屬漢陽後屬 **平昌** 孝昌四年分白馬置治平昌城 **白馬** 二漢屬晉屬漢陽後屬有朝溝白馬樊城片豪城 **涼城** 涼城有

城南中城 **交** 二漢晉屬陳留後屬有酸棗城 **西王母祠** **西** 肺山白沙淵望氣臺五馬淵 **長垣** 二漢晉屬陳留後屬真君八年併外黃景明五年復有平丘城巨城蒲城子路祠長垣城衛靈公祠龍城 **長樂** 武泰初分涼城置有盤

**北廣平郡** 水安中分廣平置

**領縣三**

戶一萬六千六百九十一

口九萬二千一百四十八

**南和** 前漢屬廣平後漢屬鉅鹿晉屬後併任太和二十年復有左陽亭沙陵南和城一名嘉和城安豐城 **任** 前漢屬廣平後漢屬鉅鹿晉屬有

**襄國** 奉為信都項羽更名二漢屬趙國晉屬後併任太和二十年復有襄國城

**林慮郡** 永安元年置

**領縣四**

戶一萬三千八百二十一

口五萬二千三百七十二

**林慮** 二漢屬河內晉屬汲郡前漢各陸慮後漢避傷帝各改焉 **臨淇** 天平初分朝歌林慮共

流為淇有黎川祐 **共** 二漢屬河內晉屬汲郡中屬有星城凡城卓水 **魏德** 天平二年分朝歌

**頓丘郡** 晉武

**領縣四**

戶一萬七千一十二

口八萬七千六十三

**頓丘** 太和中併汲郡餘民在畿外者景明中置有魚陽澤帝頓項家帝學冢 **衛國** 二漢屬東郡晉屬漢曰觀後漢光武改有衛

冢衛靈公 **臨黃** 真君三年併衛國太和十九年 **陰安** 二漢屬魏郡晉屬真君三年併衛國太

**濮陽郡** 晉置天興中屬兗州太和十二年屬齊州孝昌末又屬百克天平初屬

**領縣四**

戶一萬八千六百六十四



口五萬五千五百一十二

廩丘

前漢屬東郡後漢屬濟陰晉屬有羊角哀左伯桃冢管公明冢

濮陽

二漢屬東郡晉屬

城陽

二漢晉屬濟陰後屬有鄒子河雷澤

鄆城

二漢屬濟

屬陰晉

黎陽郡

孝昌中分及郡置治黎陽城

領縣三

戶一萬一千九百八十

口五萬四百五十七

黎陽

二漢晉屬魏郡後罷孝昌中復屬有黎陽山

東黎

永安元年分黎陽置

頓丘

二漢屬東郡晉屬頓丘太和十八年屬及後屬永安元年分入內黃天平中罷

清河郡

漢清河帝置

領縣四

戶二萬六千三十三

口十二萬三千六百七十

清河

二漢晉屬前漢曰厓後漢安帝改為甘陵晉改有河城

貝丘

二漢晉屬

侯城

太和十三年置有侯城

武城

二漢晉曰東武城屬後改有武城有

閣

定州

太祖皇始二年置安州天興三年改

領郡五

縣二十四

戶一十七萬七千五百一

口八十三萬四千二百七十四

中山郡

漢高帝置景帝三年改為國後改

領縣七

戶五萬二千五百九十二

口二十五萬五千二百四十二

盧奴

州郡治二漢屬世祖神麈中置新城官有焉卿城樂陽城

上曲陽

前漢屬常山後漢屬晉屬常山真君七年併新市景明元年後屬有關樂城有恒山嘉山黑山堯山

黃魏昌

二漢晉屬前漢曰苦陘後漢章帝改為漢昌魏文帝改為魏昌城安城

新市

二漢晉屬有藺相如冢義臺城新市城

毋極

二漢屬晉罷太和十二年

退書百六上

五



復治毋極城 **安喜** 二漢晉屬前漢曰安險後漢章帝改有天井澤安喜城趙堯祠 **唐** 二漢晉屬有左人城

**常山郡** 漢高帝置曰恒山郡文帝諱恒改為常山後漢建武中省兵定郡屬焉孝章建初中為淮陽永元二年復

領縣七

戶五萬六千八百九十

口二十四萬八千六百二十二

**九門** 二漢晉屬有常山城九門城有安樂壘燕趙神受陽壘明臺神 **真定** 前漢屬真定國後漢晉屬故東 **行唐** 二漢晉曰

後改太和十四年置唐郡二十一年罷郡立臨平中移鎮乾城治唐城 **蒲吾** 二漢晉屬有嘉陽城 **靈壽** 二漢晉屬有西山 **井陘** 二漢晉屬有回星城

**石邑** 前漢屬後漢罷晉復屬有石邑城

**鉅鹿郡** 秦置後漢建武中省黃平國屬焉

領縣三

戶二萬七千一百七十二

口二十三萬二百三十九

**曲陽** 二漢晉屬趙國曰下曲陽後改有臨平城真鄉城曲鄉城有堯祠青丘 **高城** 前漢屬真定後漢屬晉罷 **鄒** 二漢晉屬有

有西門趙君神有青丘牛丘黃丘馳丘靈丘

**博陵郡** 漢桓帝立

領縣四

戶二萬七千八百一十二

口一十三萬五千七

**饒陽** 前漢屬涿後漢屬安平晉屬有曾口城博陵城三良神饒陽城 **安平** 前漢屬涿後漢屬安平晉屬治安平城有樓女貴人神 **深澤** 前漢屬涿後漢屬安平晉

屬二漢晉曰南深澤後改有女媧神祠 **安國** 二漢屬中山晉屬真君七年併深澤景明二年復有鹽石淵安國城

**北平郡** 孝昌中分中山置治北平城

領縣三

戶一萬三千三十四

口六萬五千一百二



**蒲陰** 二漢晉屬中山前漢曰曲逆章帝改 **北平** 二漢晉屬中山有北平城木門城 **望都** 二漢晉屬中山有高昌城朝陽城伊

祁山有堯神孫山

**冀州** 後漢治高邑袁紹曹操為冀州治鄴魏晉治信都晉世邵續治厭次慕容垂治信都皇始二年平信都仍置

領郡四 縣二十一

戶一十二萬五千六百四十六

口四十六萬六千六百一

**長樂郡** 漢高帝置為信都郡景帝二年為長樂郡國明帝更名樂成安帝改曰安平至日改

領縣八

戶三萬五千六百八十三

口十四萬三千一百四十五

**堂陽** 前漢屬鉅鹿後漢晉屬安平國後屬有荆丘 **棗強** 前漢屬清河後漢罷晉後屬廣川神瑞二 **扶柳** 前漢屬

屬安平國真君三年 **索盧** 晉屬廣川神瑞二平併廣川太 **廣川** 前漢屬後漢屬清河 **南宮** 前漢併堂陽景明元年復

屬後漢晉屬安平後屬 **信都** 二漢晉屬有武陽城安城辟陽城 **下博** 二漢晉屬

**渤海郡** 漢高帝置世祖初改為滄水郡太和二十一年復

領縣四

戶三萬七千九百七十二

口一十四萬四百八十二

**南皮** 一漢晉屬有渤海城 **東光** 二漢晉屬前漢晉屬號脩後 **安陵** 晉置渤海

**武邑郡** 晉武帝置

領縣五

戶二萬九千七百七十五

口一十四萬四千五百七十九

**武遂** 前漢屬河間後漢晉屬安平後屬 **阜城** 前漢屬渤海後漢屬安平晉屬渤海後屬有弓高城 **灌津** 前漢屬信都後漢晉屬 **武邑**

前漢屬信都後漢晉屬安平後屬 **武強** 神光二年併武邑太和十八年復有武強淵



安德郡 太和中置尋併渤海中興中復

領縣四

戶二萬二千二百一十六

口六萬八千三百九十六

平原 二漢晉屬真君三年併潞太 安德 二漢晉屬平原後屬渤海後屬 繹幕 二漢晉屬清河真君三年併

潞 二漢晉屬平原後屬渤海後屬治臨齊城

并州 漢晉治晉陽晉末治臺壁後治晉陽皇始元年平仍置

領郡五

縣二十六

戶一十萬七千九百八十三

口四十八萬二千一百四十

太原郡

領縣十

戶四萬五千六

口二十萬七千五百七十八

晉陽 二漢晉屬真君九年罷榆次屬焉有介子推祠西南有懸壘山一名龍山晉水所出東入汾有晉王祠梗陽城同過水出木瓜嶺一出沽嶺一出大廉山一出原過祠下五水合道

中都 二漢晉屬有榆次城壽陽 郿 二漢晉屬有郿城郿奚墓 榆次 二漢晉屬真君九年復有鹿臺山祠長

寧水西北合同過 二漢晉屬有榆次城壽陽 郿 二漢晉屬有郿城郿奚墓 榆次 二漢晉屬真君九年復有鹿臺山祠長

逢 二漢晉屬平陶屬後改治 長安 太常二年置真君中省景 陽邑 二漢晉屬真君九年罷景明二年

上黨郡 秦置治壺關城前漢治長子城董卓作亂治壺關城慕容儁治安民城後遷壺關城

領縣五

戶二萬五千九百三十七

口一十萬四千四百七十五

屯留 二漢晉屬有屯留城鳳凰山一名天冢山大王山上有關龍逢祠有疑山邁澤黃沙嶺絳水自寄氏界來入濁漳因名交漳余五城陽水源出三槐山東流合車臺水東南入絳水



**長子**

二漢晉屬慕容所郡有廉山濁漳出焉有長子城應城傾城幸城長灣水東流至梁川北入濁漳羊頭山下神農泉北有穀關即神農得嘉穀處有泉北流至陶鄉名陶水合羊頭山水北流入壺關二漢晉屬後罷太和十三年復有羊腸坂靜林山鷄鳴嶺一名大山有赤濁漳有鮑宣墓壺關其地寒而早霜會殿門一名天門微子城鐵鼓山五馬門令狐徵君墓五

**寄氏**

二漢晉屬晉景明元年復改有倚氏城三想山北有水源出蒲谷東南流龍祠入給水有人禮泉上黨谷有盤秀嶺藍水出其南東流入濁漳有方山伏牛山樂陽普泰中分長子寄氏置有望天道絳水所出有堯廟

**鄉郡**

石勒分上黨置武鄉郡後罷延和二年置

**領縣四**

戶一萬六千二百一十

口五萬五千九百六十一

**陽城**

二漢晉屬上黨曰涅永安中改有涅城覆醜山涅水出焉東南合武鄉水襄垣二漢晉屬上黨有五音鄉郡治晉屬上黨城覆醜山涅水出焉東南合武鄉水襄垣山神農襄垣城臨川城鄉真君九年罷遼陽屬焉有武鄉城魏城榆社城方山上有堯廟三臺

**襄垣**

二漢晉屬上黨有五音鄉郡治晉屬上黨城覆醜山涅水出焉東南合武鄉水襄垣山神農襄垣城臨川城鄉真君九年罷遼陽屬焉有武鄉城魏城榆社城方山上有堯廟三臺

**銅鞮**

二漢晉屬上黨有銅鞮城石弟水東嶺上有李陽墓有古麻池即石勒與李陽所爭池

**樂平郡**

後漢獻帝置真君九年治太原孝昌二年復治沾城

**領縣三**

戶一萬八千二百六十七

口六萬八千一百五十九

**遼陽**

晉屬真君九年併鄉孝昌二年復有黃澤嶺遼陽城

**樂平**

晉屬真君九年併治孝昌二年復有象山祠沾嶺八賦嶺

**石艾**

前漢屬太原後罷晉屬真君九年罷

**襄垣郡**

建義元年置治襄垣城

**領縣四**

戶七千五百一十三

口三萬六千五百六十七

**襄垣**

郡治建義元年分鄉郡之襄垣置有安民城襄垣城

**五原**

建義元年分鄉郡之銅鞮置

**建義**

建義元年分上黨之屯留置有鹿臺山及祠

**川陵**

**瀛州**

太和十一年分定州河間高陽冀州章武浮陽置治趙都軍城

**領縣三**

魏書百六十一

九



戶十萬五千五百四十九

口四十五萬一千五百四十二

高陽郡 晉置高陽國後改

領縣九

戶三萬五百八十六

口十四萬一百七

高陽 前漢屬涿後漢屬河間國晉復有郝神高陽城 博野 有博陸城侯城 蠡吾 前漢屬涿後漢屬中山晉屬有 易

前漢屬涿漢晉一 扶輿 前漢屬涿後漢罷晉復屬前漢 新城 二漢晉曰北新城前漢 樂鄉 屬中山後漢屬涿晉

河間後屬有易京 永寧 有班姬神 清苑 高祖太和元

章武郡 晉置章武國後改

領縣五

戶三萬八千七百五十四

口十六萬二千八百七十

成平 前漢屬渤海後漢晉屬河間國 平舒 前漢屬渤海後漢屬河間國晉屬二漢晉曰 東州 後屬治京城有平城樂平城

前漢屬渤海後漢屬河 文安 前漢屬渤海後漢屬河間國晉 西章武 正光中分滄州章

河間郡 漢文帝置河間國後漢光武併信都

領縣四

戶三萬五千八百九

口十四萬八千五百六十五

武垣 前漢屬涿郡後漢晉 樂城 二漢晉屬治河間城 中水 前漢屬涿郡後漢晉屬 鄭 後漢晉屬

屬有武垣城小陵城 樂城 有高平陵二王陵 中水 漢晉屬河間國 鄭 治陵城有

殷州 孝昌二年分定相

領郡三

縣十五

戶七萬七千九百四十三



口三十五萬七千一十六

趙郡

秦郡鄆漢高帝為趙國景帝又為邯鄲後漢建武中復後改

領縣五

戶三萬一千八百九十九

口一十四萬八千三百一十四

平棘

二漢屬常山晉屬有平棘城

房子

二漢屬常山晉屬有房子城回車城平州城嶂洪祠

元氏

二漢屬常山晉屬有元氏城大嶺山

高邑

二漢屬常

山前漢曰鄆後漢光武改晉屬有

漳亭祠漢光武即位碑有高邑城

藥城

太和十一年分平棘置治關城有藥城

鉅鹿郡

永安二年分定州鉅鹿置治舊楊城

領縣四

戶一萬三千九百九十七

口五萬八千五百四十九

廩陶

二漢晉屬治廩陶城有沃州城

宋子

二漢屬後罷永安二年復治宋子城

西經

永安二年分經縣置有邑城三女神

廩逢

永安二年分廩陶置治楊

城有歷城

南趙郡

太和十一年為南鉅鹿屬定州十八年屬相州後改孝昌中屬

領縣六

戶三萬二千四十六

口十五萬一百一十三

平鄉

晉屬後罷景明二年復治鉅鹿城有平鄉城

南樂

二漢屬鉅鹿晉罷後復真君六年併栢人太和二十一年復有南樂城

鉅鹿

二漢晉屬鉅鹿後屬栢

人

二漢晉屬有栢人城栢鄉城

廣阿

前漢屬鉅鹿後罷太和十三年復有廣阿城堯臺大陸陂銅馬祠

中丘

前漢屬常山後漢晉屬趙國晉亂罷太和二十一年復有

中丘城伯陽城鵲山祠

滄州

熙平二年分瀛冀二州置治饒安城

領郡三

縣十二

戶七萬一千八百三

口二十五萬一千八百七十九

恩書

七



浮陽郡 太和十一年分渤海章武置屬州景明初併章武熙平二年復

領縣四

戶二萬六千八百八十

口九萬八千四百五十八

饒安 二漢晉屬渤海前漢曰千童靈帝改有無棣溝西鄉茅焦家 浮陽 郡治二漢晉屬渤海西接漳水衡水入焉今謂之合口有浮水 高城 二漢晉屬渤海治高

城有平津鄉與中館流民立東西河郡陽城縣武定末罷 章武 二漢屬渤海晉屬章武後屬治章武城有漢武帝臺漳水入海有沾水大家姑祠俗云海神或云麻姑神

樂陵郡 晉為國後改

領縣四

戶二萬四千九百九十八

口八萬五千二百八十四

樂陵 郡治二漢屬平原後屬魏初置義興郡晉 陽信 二漢屬渤海晉屬治陽信城有鹽山神祠 厭次 二漢屬平原後漢曰富平

孝明改晉屬治馬領城有蒲臺祠有富城 濕沃 前漢屬千乘國後罷晉復屬治亂城有故閭閣延鄉城后父城

安德郡 中興初分樂陵置太昌初罷天平初復治般界

領縣四

戶一萬九千九百二十五

口六萬八千一百三十七

般 二漢晉屬平原後屬渤海熙平中 重合 二漢晉屬渤海正平元年併安陵太和十八年復後屬樂陵復屬治般城有故般河

敬通 重平 前漢屬渤海後罷孝昌中復屬有歐陽欽冢 平昌 二漢晉屬平原後漢晉曰西平昌後罷太和二十二年復屬渤海熙平中屬樂陵後屬治平昌城

肆州 治九原天賜二年為鎮真君七年置州

領郡三

縣十一

戶四萬五百八十二

口一十八萬二千六百二十三

永安郡 後漢建安中置新興郡永安中改

領縣五



戶二萬二千七百四十八

口一十萬四千一百八十五

**定襄**

前漢屬定襄後漢屬雲中晉屬新興真君七年併雲中九原晉昌屬焉永安**陽曲**二漢中屬有趙武靈王祠介君神五石神關門山聖人祠皇天神定襄城撫城

太原永安中屬有

**平寇**

真君七年併三堆朔方定陽屬焉**蒲子**始光三年置真君七年併平

**驢夷**

二漢屬太原口慮虎晉罷太和十年復改永安中屬有思陽城驢夷城倉城代王神祠

**秀容郡**

永興二年置真君七年併肆盧敷城二郡屬焉

領縣四

戶一萬一千五百六

口四萬七千二十四

**秀容**

永興二年置有秀容城原平城肆盧城石鼓山神女郎神金山神護君神風神**石城**永興二年置肆盧

神大羅山臺

**敷城**

始光初置郡真君七年改治敷城有石谷山亞角神車輪泉神

**鴈門郡**

秦置光武建武十五年罷二十七年復天興中屬司州太和十八年屬

領縣二

戶六千三百二十八

口三萬四百三十四

**原平**

前漢屬太原後漢晉屬有陰館城樓煩城廣武城龍淵神亞澤神

**廣武**

前漢屬太原後漢晉屬有東西二平原

**幽州**

治薊城

領郡三

縣十八

戶二萬九千五百八十

口一十四萬五百三十六

**燕郡**

故燕漢高帝為燕國昭帝改為廣陽郡宣帝更為國後漢光武併上谷和帝永元六年復為廣陽郡晉改為國後改

領縣五

戶五千七百四十八

口二萬二千五百五十九







秦平城  
齊城

北絳郡 孝昌三年置治絳

領縣二

戶一千七百四十

口六千二百九十二

新安 二漢屬恒農晉屬河南後罷孝昌一年復後屬 北絳 二漢屬河東晉屬平陽二漢晉曰絳後罷太和十二年復改屬

永安郡 建義元年治永安城

領縣二

戶二千九百三十二

口一萬五百四十

永安 二漢屬河東晉屬平陽前漢曰彘順帝改真君七年併禽昌正始二年復屬治仇池壁有霍山祠趙城 楊 二漢屬河東晉屬平陽後罷太和二十一年復後屬治楊城有

岳陽山  
東明神

北五城郡 興和二

領縣三

戶二百一十二

口八百六十四

平昌 興和二 石城 興和二 北平昌 興和二

定陽郡 興和四年置

領縣三

戶四百九十八

口一千九百四十一

平昌 興和四年置

西五城 興和四年置

敷城郡 天平四年置



領縣一

戶九十

口三百五十九

敷城 天平四年置

河西郡 天平四年置

領縣一

戶二百五十六

口一千一百四十四

夏陽 天平四年置

五城郡 天平中置

領縣三

戶四百二十一

口一千六百一十八

北棗 天平二年置 南棗 天平二年置 永安 元象元年置

西河郡 舊汾州西河民孝昌二年為胡賊所破遂居平陽界還置郡

領縣三

戶一千七百六十一

口四千九百九十七

永安 孝昌中置 隰城 孝昌中置 介休 孝昌中置

冀氏郡 建義元年割平陽郡置

領縣二

戶一千三百二

口五千三百一十六

冀氏 建義元年割禽昌襄陵置有冀氏城 合陽 建義元年置有合陽城



南絳郡 建義初置 治會交川

領縣二

戶八百三十六

口二千九百九十一

南絳 太和十八年置屬 正平郡建義初屬 小鄉 建義元年罷 有小鄉城

義寧郡 建義元年置 治孤遠城

領縣四

戶二千四百七十八

口八千四百六十六

圍城 建義元年置 治陶谷川 義寧 建義元年 分會昌置 安澤 建義元年 置 沁源 建義元年 置郡治

懷州 天安二年置太和十 八年罷天平初復

領郡二

縣八

戶二萬一千七百四十

口九萬八千三百一十五

河內郡 漢高 帝置

領縣四

戶九千九百五

口四萬二千六百一

野王 二漢晉屬州郡治 有太行山華岳神 沁水 二漢晉屬治沁 城有沁水濟水 河陽 二漢晉屬後 罷孝昌中復 軹城有軹關

武德郡 天平初分 河內置

領縣四

戶一萬一千八百三十五

口五萬五千七百一十四

平臯 二漢晉屬河內有平 臯破平臯城安昌城 温 二漢晉屬河 內有温沮水 懷 二漢晉屬河內 有長陵城懷城 州 二漢晉屬河內 有雍城中都城金城



建州 慕容永分上黨置建興郡章君九年省和平五年復永安中罷郡置州治高都城

領郡四

縣十

戶一萬八千九百四

口七萬五千三百

高都郡 永安中置

領縣二

戶六千四百九十九

口二萬七千六百三十五

高都 二漢晉屬上黨晉罷後屬 陽阿 二漢屬上黨晉罷後復屬有武斬關

長平郡

領縣二

戶五千四百一十二

口二萬二千七百七十八

高平 永安中置 玄氏 二漢晉屬上黨郡治有羊頭城

安平郡

領縣二

戶五千六百五十八

口一萬九千五百五十七

端氏 二漢屬河東晉屬平陽後屬 濩澤 二漢屬河東晉真君七年省太和二十年復屬平陽後屬

泰寧郡 孝昌中置及縣

領縣四

戶一千三百三十五

口五千三百三十

東永安

西河

西濩澤

高延



汾州

延和三年為鎮太和十二年置州治蒲子城孝昌中陷移治西河

領郡四

縣十

戶六千八百二十六

口三萬一千二百一十

西河郡

漢武帝置晉亂罷太和八年復治茲氏城

領縣三

戶五千三百八十八

口

隰城

二漢晉屬太延中改為什星軍太和八年復有虞城陽城

介休

二漢屬太原晉屬晉亂罷太和八年復有木瓜山鄆城有郭林宗墓介休城太岳山祠

永安

吐京郡

真君九年置孝昌中陷寄治西河

領縣二

戶三百八十四

口一千五百一十三

新城

世祖名嶺東太和二十一年改

吐京

世祖名嶺西太和二十一年改

五城郡

正平二年置孝昌中陷寄治西河

領縣三

戶二百五十七

口一千一百一

五城

世祖名京軍太和二十一年改有鷄亭

平昌

世祖名刑軍太和二十一年改有白馬谷

石城

世祖為定陽太和二十一年改

定陽郡

舊屬東雍州延興四年分屬焉孝昌中陷寄治西河

領縣二

戶七百九十七

口三千二百八



定陽 延興四年置 昌寧 延興四年置

東雍州 世祖置太平中

領郡三

縣八

戶六千二百四十一

口三萬四百

邵郡 皇興四年置郡上郡太平中併河內孝昌中改復

領縣四

戶五十二

口一百五十八

白水 有馬頭山 清廉 有清廉山 萇平 有王屋山 西太平

高涼郡

領縣二

戶四千四百四十五

口二萬一千八百五十三

高涼 太和十一年分龍門置 龍門 故皮氏二漢屬河東晉屬平陽真君七年改屬有臨汾城

正平郡 故南太平神麈元年改為征平太和十八年復

領縣二

戶一千七百四十四

口八千三百八十九

聞喜 二漢晉屬河東 曲沃 太和十一年置

安州 皇興二年置治方城天平中

領郡三

縣八

戶五千四百五

口二萬三千一百四十九



密雲郡 皇始二年置 治提攜城

領縣三

戶二千二百三十一

口九千一十一

密雲 真君九年併 方城屬焉 要陽 前漢屬滎陽後漢晉 罷後復屬桃花山 白檀郡 治

廣陽郡 延和元年置益州 真君二年改爲郡

領縣三

戶二千八

口八千九百一十九

廣興 延興二年置真君 九年併恒山屬 燕樂 州郡治延和九年置 真君九年併水樂 方城 普泰元 年置

安樂郡 延和元年置交州 真君二年罷州置

領縣二

戶一千一百六十六

口五千二百一十九

土垠 真君九年 年置 安市 漢晉屬遼東真君 九年併當平屬焉

義州 興和二年置寄 治汲郡陳城

領郡七

縣十九

戶三千四百二十八

口一萬六千七百六十四

五城郡 永安中置屬司州天平中 屬北豫州武定五年屬

領縣三

戶二千一百

口一萬七千六十九

隰城 永安中置有鳳皇 臺安郎神皇侯神 介休 永安 中置 五城 永安 中置



泰寧郡

興和中置

領縣三

戶二百二十八

口一千一百二十七

泰寧

興和中置

義興

興和中置

郃陽

興和中置

新安郡

興和中置

領縣三

戶三百九十四

口一千五百九十五

西垣

興和中置

新安

興和中置

東垣

興和中置

澠池郡

興和中置

領縣三

戶一百六十六

口八百二十八

北澠池

興和中置

俱利

興和中置

西新安

興和中置

恒農郡

興和中置

領縣三

戶九十三

口五百四十三

恒農

興和中置

北邲

興和中置

嶠

興和中置

宜陽郡

興和中置

領縣三

戶一百六十九

口六百八十六



宜陽興和中置南澗池興和中置金門興和中置

金門郡興和中置

領縣一

戶二百七十八

口一千二百一十七

北陸興和中置

南汾州

領郡九

縣十八

戶一千九百二十二

口七千六百四十八

北吐京郡

領縣四

戶八十八

口三百五十一

平昌 北平昌 石城 吐京

西五城郡

領縣三

戶二百四十七

口一千一百一十八

西五城 昌寧 平昌

南吐京郡

領縣一

戶三十二

口七十三



新城

西定陽郡

領縣一

戶四十二

口一百四十

洛陵

定陽郡

領縣一

戶五十四

口一百九十

永寧

北鄉郡

卷之六十一

三

領縣二

戶二百九

口七百五十九

龍門

汾陰

五城郡

領縣二

戶二百一十四

口八百八十四

五城

平昌

中陽郡

領縣二

戶四百六十八

魏書百六十一

音



口一千六百二十七

洛陵 昌寧

龍門郡

領縣二

戶五百七十八

口二千四百九十六

西太平 汾陽

南營州 孝昌中營州陷永熙二年置寄治英雄城

領郡五

縣十一

戶一千八百一十三

口九千三十六

昌黎郡 永興中置

領縣三

戶五百九

口二千六百五十八

龍城 永熙中置 廣興 永熙中置 定荒 興和中置

遼東郡 永熙中置

領縣二

戶五百六十五

口二千六百三十四

太平 永熙中置 新昌 永熙中置

建德郡 永熙中置

領縣二

戶一百七十八



口八百一十四

石城永熙中置廣都興和中置

營丘郡天平四年置

領縣三

戶五百一十二

口二千七百二十七

富平天平四年置永安元象中置帶方元象中置

樂良郡天平四年置

領縣一

戶四十九

口二百三

永樂興和二年置

東燕州太和中分恒州東部置燕州孝昌中陷

領郡三

縣六

戶一千七百六十六

口六千三百一十七

平禺郡孝昌中陷

領縣二

戶四百五十

口一千七百一十三

方言天平中置昌平天平中置

上谷郡天平中置

領縣二

戶九百四十二



口三千九十三

平舒

孝昌中陷

居庸

孝昌中陷  
天平中置

徧城郡

武定元年置

領縣二

戶三百七十四

口一千五百一十三

廣武

武定元年置

沃野

武定元年置

營州

治和龍城太延二年為鎮真君五年改置永安末陷天平初復

領郡六

縣十四

戶一千二十一

口四千六百六十四

昌黎郡

晉分遼東置真君八年併薊陽屬焉

領縣三

戶二百一

口九百一十八

龍城

真君八年併柳城昌黎棘城屬焉有堯祠榆垣城狼水

廣興

真君八年併徒何永樂燕昌屬焉有鷄鳴山石城大柳城

定荒

正光末置有鹿頭山松山

建德郡

真君八年置治白狼城

領縣三

戶二百

口七百九十三

石城

前漢屬右北平後屬真君八年併遼陽路大樂屬焉有白鹿山祠

廣都

真君八年併白狼建德望平屬焉有金紫城

陽武

正光末置有三合城

遼東郡

秦置後罷正光中復治固都城

領縣二

戶一百三十一



口八百五十五

襄平

二漢晉屬後罷正光中復有青山 新昌 二漢晉屬後罷正光中復

樂良郡

前漢武帝置二漢晉曰樂浪後改罷正光末復治連城

領縣二

戶二百一十九

口一千八

永洛

正光未置有鳥山 帶方 二漢屬晉屬帶方後罷正光末復屬

冀陽郡

真君八年併昌黎武定五年復

領縣二

戶八十九

口二百九十六

平剛

柳城

營丘郡

正光末置

領縣二

戶一百八十二

口七百九十四

富平

正光末置 永安 正光末置

平州

晉置治肥如城

領郡二

縣五

戶九百七十三

口三千七百四十一

遼西郡

秦置

領縣三

戶五百三十七



口一千九百五

肥如 二漢晉屬有孤竹山祠禡石  
武王祠今支城黃山濡河

陽樂

二漢晉屬真君七年併令支合資屬焉有武歷山覆舟山林榆山太真山

海陽

二漢晉屬有橫

山新婦  
山清水

北平郡 秦置

領縣二

戶四百三十

口一千八百三十六

朝鮮

二漢晉屬樂浪後罷延和元年徙朝鮮民於肥如復置屬焉

新昌

前漢屬涿後漢晉屬遼東後屬有盧龍山

恒州

天興中置司州治代都平城太和中改孝昌中陷天平二年置寄治肆州秀容郡城

領郡八

縣十四

代郡

秦置孝昌中陷天平二年置

領縣四

平城

二漢晉屬鴈門後屬

太平

武周

二漢屬鴈門晉罷後復屬

永固

善無郡

天平二年置

領縣二

善無

前漢屬鴈門後漢屬定襄後屬

沃陽

梁城郡

天平二年置

領縣二

參合

前漢屬代後漢晉罷後復屬

桓鴻

一本作祗鴻

繁峙郡

天平二年置

領縣二

崞山

二漢晉屬鴈門後改屬

繁峙

二漢晉屬鴈門後改屬

高柳郡

永熙中置

領縣二



安陽二漢曰東安陽屬代郡晉屬後改屬高柳二漢屬代郡晉罷後復屬

北靈丘郡天平二年置

領縣二

靈丘前漢屬代後漢晉罷後復屬莎泉

內附郡天平二年置

靈丘郡天平二年置

朔州本漢五原郡延和二年置為鎮後改爲懷朔郡孝昌中改爲州後隋今寄治并州界

領郡五

縣十三

大安郡

領縣二

狄那 捍殊

廣寧郡

領縣二

石門 中川

神武郡

領縣二

尖山 殊頽

太平郡

領縣三

太平 太清 永寧

附化郡

領縣四

附化 息澤 五原 廣牧

雲州舊置朔州後隋永熙中改寄治并州界



領郡四

盛樂郡 永熙中置

縣九

領縣二

歸順 永興中置 還安 永熙中置

雲中郡 秦置

領縣二

延民 永興中置 雲陽 永熙中置

建安郡 永熙中置

領縣二

永定 永熙中置 永樂 永熙中置

真興郡 永熙中置

領縣三

真興 永熙中置 建義 永熙中置 南恩 永熙中置

蔚州 永安中改懷荒御表二鎮置寄治并州鄠縣界

領郡三

縣七

始昌郡 永安中置

領縣二

于門 永安中置 蘭泉 永安中置

忠義郡 永安中置

領縣二

葦池 永安中置 楊柳 永安中置

附恩郡 天平中置

領縣三

西涼 天平中置 利石 天平中置 化政 天平中置



顯州 永安中置治汾州六壁城

領郡四

縣四

定戎郡 永安中置治瓜城

領縣一

零山 永安中置 陽林 永安中置

建平郡 永安中置州治

領縣二

昇原 永安中置 赤谷 永安中置

真君郡 天平中置治東多城

武昌郡 武定四年置治團城

廓州 武定元年置治肆州敷城界郭城

領郡三

廣安郡 武定元年置

永定郡 武定元年置

建安郡 武定元年置

武州 武定元年置治鴈門川武定三年始立州城

領郡三

縣四

吐京郡 武定八年置

領縣二

吐京 武定三年置 新城 武定三年置

齊郡 武定元年置州治

領縣二

昌國 武定元年置 安平 武定元年置

新安郡 武定元年置



西夏州

寄治并州界

領郡二

太安郡

神武郡

寧州

與和中置寄治汾州介伏城

領郡四

武康郡

武定四年置治東多城

靈武郡

武定元年置

初平郡

武定元年置

武定郡

武定元年置

靈州

太延二年置薄骨律鎮孝昌中改後陷關西天平中置寄治汾州隰城縣界郡縣闕

前自恒州已下十州永安已後禁旅所出口之數並不得知



魏書卷一百六上 地形志二上第五終

帝山郡注云後漢建初中為淮陽永元二年復今案後漢書章帝建初四年四月徙常山王嗣為淮陽王和帝永元三年五月紹封故淮陽王嗣子側為常山王嗣傳云徙淮陽王以汝南之新安西華並淮陽國嗣自常山徙封淮陽非改常山為淮陽蓋魏收之誤

魏書卷一百六中

地形志二中第六

兗州 後漢治山陽昌邑魏晉治丘劉義隆治瑕丘魏因之

領郡六

縣三十一

戶八萬八千三十二

口二十六萬六千七百九十一

泰山郡 漢高帝置

領縣六

戶二萬六千八百

口九萬一千八百七十二

鉅平

二漢晉屬治平樂城有亭亭山祠霍城陽開城鉅平城祝丘防城龍山祠

奉高

二漢晉屬有汶汶父山岱岳祠王符山故明堂基

博平

二漢晉曰博平屬後改有博平城防城龍山祠野首

羸

二漢晉屬有馬耳山祠汶水出焉唐阜羸城銅冶山

牟

漢晉屬有萊蕪城平州城牟城望石山

梁汶

二漢晉屬有羗裘澤

魏書卷一百六中



徂來山在北梁父城龜山  
羊續碑貞女山祠雲母山

魯郡 秦置為薛郡高后改  
為魯國皇興中改

領縣六

戶一萬五千一百六十

口四萬七千三百二十九

魯 二漢晉屬有牛首亭五父衢尼丘山房山魯城叔梁紇廟孔子墓廟沂水泗汶陽 二漢晉屬  
水季武子臺顏母祠魯昭公臺伯禽冢魯文公冢魯恭王陵宰我冢兒寬碑 有桑杜丘

新甫山嶗山春 鄒 二漢晉屬有叔梁紇城汶陽城 鄒 紇城嶗山鄒山 陽平 劉駿置魏因 新陽 前漢屬東海後罷  
舒城汶陽城 之有滕城 劉駿復魏因之

高平郡 故梁國漢景帝分為山陽國  
武帝改為郡晉武帝更名

領縣四

戶一萬一千一百二十四

口二萬五千八百九十六

高平 二漢屬山陽晉屬前漢景帝後漢章帝更各有洸水千秋城胡陸城齊城高平山承雀山伏義廟 方與 二漢屬山陽晉屬有方與城 金鄉 後漢屬

屬有金鄉山 平陽 二漢晉曰南平陽漢屬山陽  
范氏卿家碑 晉屬有平陽城涑城白馬溝

任城郡 後漢孝章帝分東平為任城國晉  
永嘉後罷神龜元年分高平置

領縣三

戶八千五十

口二萬一千七百八十九

任城 前漢屬東平後漢晉屬 亢父 前漢屬東平後漢晉屬有 鉅野 二漢屬山陽晉屬高平  
有任城唐陽城華陽城 亢父城女媧冢風伯祠 後屬有鉅鹿城武安城

武平城  
任山祠

東平郡 故梁國漢景帝分為濟東國武帝改為大  
河郡宣帝為東平國後漢晉仍為國後改

領縣七

戶二萬七百五十二

口六萬一千八百一十

無鹽 二漢晉屬有龍山無 范 有洸 須昌 前漢屬東郡後漢晉屬治須昌城有濟溝 壽張 有郟 平陸 二漢晉屬曰東



平陸後改富城二漢晉屬有富城上剛前漢屬泰山後漢屬涿北

東陽平郡故東平地劉義熙置尋罷

領縣五

戶六千一百四十六

口一萬八千九十四

元城劉義隆置魏因樂平劉義隆置魏因之頓丘劉駿置魏因館陶劉義隆置魏因平

原劉駿置魏因之

青州後漢治臨淄司馬德

領郡七

縣三十七

戶七萬九千七百五十三

口三十萬六千五百八十五

齊郡秦置

領縣九

戶三萬八百四十八

口八萬二千一百

臨淄二漢晉屬有公孫接家晏嬰家昌國二漢晉屬益都魏置有盤陽前漢屬濟南後

城大峴山有甌山平昌前漢屬琅邪後漢屬北海廣饒二漢晉屬西安二漢晉屬有

鉅平山太山祠廣川有牛山仲父家黑山石

川後漢屬北海後屬有覆釜山北海郡漢景帝置

領縣五

戶一萬七千五百八十七

口四萬六千五百四十九

下密前漢屬膠東國後漢劇二漢屬晉屬琅都昌二漢屬晉屬齊郡平壽二漢屬晉屬

浮山有膠東前漢曰膠東國後漢屬北海

金關山膠東晉屬齊郡後屬有逢萌家



樂安郡

漢高帝為千乘國後漢和帝更名樂安國晉改

領縣四

戶五千九百一十六

口一萬三千二百三十九

千乘

前漢屬千乘後漢屬晉罷後復屬

博昌

前漢屬千乘後漢晉屬

安德

般

渤海郡

故臨淄地劉駿置魏因之

領縣三

戶五千二百七十九

口一萬三千七百五

重合

脩

長樂

有王陵家

高陽郡

故安樂地劉義隆置魏因之

領縣五

戶六千三百二十二

口一萬七千六百六十七

高陽

新城

鄴

安次

安平

河間郡

劉義隆置魏因之

領縣六

戶五千八百三十

口一萬四千八百一十八

阜城

城平

武垣

樂城

章武

有張釋之家

南皮

劉駿置魏因之有望

樂陵郡

故千乘地劉義隆置魏因之

領縣五

戶七千九百七十一



口一萬八千五百一十五

陽信

有千乘城

樂陵

有姑博昌城

厭次

新樂

濕沃

齊州

治歷城劉義隆置冀州皇興三年更名

領郡六

縣三十五

戶七萬七千三百七十八

口二十六萬九千六百六十二

東魏郡

劉駿置魏因之治歷城後徙臺城

領縣九

戶一萬九千一百三十

口七萬三千五百七十

蠡吾

劉駿置魏因之有龍山

頓丘

劉駿置魏因之有飛鳥峴

肥鄉

有平陵城巨合城

聊城

有臺城

衛國

有挺城石博湯水雞山

平

有七鼓城逢陵城長白山

安陽

有魚溝

東魏

有葦山出錫有蒼浪溝時水

臨邑

劉駿置魏因之有刀環水鵲山隰陰城

東平原郡

劉裕置魏因之治梁鄒

領縣六

戶一萬三千九百二十九

口四萬四百三

平原

有黃山有高苑城

臨濟

有鄒平城建新城

荏平

有城

廣宗

有胡山平郭城

高唐

東清河郡

劉裕置魏因之治盤陽城

領縣七

戶六千八百一十

口二萬二千五百七十四

清河

繹幕

有隴水

郟

有淳于髡家金雀山

零武城

有昌國城

貝丘

有萊蕪城

饒陽

舊屬曹州太和

廣川郡

劉裕置魏因之分屬十八年

廣川郡

魏因之



領縣三

戶三千九百四十五

口一萬三千四百七十二

武強

索盧

中水

有長城  
三總山

濟南郡

漢文帝為濟南國景帝為郡  
後漢建武中復為國晉改

領縣六

戶二萬一十七

口六萬八千八百二十

歷城

二漢晉屬有黃臺華不注山  
華泉匡山舜山祠城姜祠

著

二漢晉屬  
治著城

平陵

二漢晉屬曰東平陵後改有章  
丘城洛盤城平陵城女郎山祠

土鼓

二漢屬晉罷後  
復有龍盤山

逢陵

有於陵城

朝陽

二漢屬後漢曰東朝陽後改  
晉屬樂安後屬有朝陽城

太原郡

劉懿我隆置  
魏晉因之

領縣四

戶一萬三千五百六十

口五萬八百二十三

太原

司馬德宗置魏因之  
治升城有靡溝垣城

祝阿

二漢屬平原晉屬濟  
南後屬有唐城陽城

山荏

二漢晉屬泰山後屬  
有咸山祗山格馬山

盧

前漢屬  
太山後

漢晉屬齊北後屬有  
盧城平陰城孝子堂

鄭州

天平初置潁州治長城  
武定七年改治潁陰城

領郡三

縣九

戶六萬二千一百七十三

口二十七萬四千二百四十二

許昌郡

天平元年  
分潁川置

領縣四

戶二萬五千三百二十七

口一十萬四千四百六十三



許昌 二漢晉屬潁川即許都也治許昌城有西梁城 扶溝 前漢屬淮陽後漢晉屬陳留真君七年併長平屬焉 鄆陵 後屬有白亭城蔡河扶溝城康溝水龍州陂屬潁岡

二漢晉屬潁川有鄆陵城馬領城向城張揚城蔡澤陂深陂三門陂唐且冢 新汲 二漢晉屬潁川有新汲城長合城臨春城平侯城鴨子陂

潁川郡 秦置漢高改曰韓國尋復

領縣三

戶二萬二千四十四

口一十萬五千九百九

長社 二漢晉屬有長葛城長平城望馬臺鷄鳴城鍾皓墓白鴈陵 臨潁 二漢晉屬真君七年併潁陰屬之有殷湯城 潁陰 二漢晉屬真君七年併潁潁元象二年復有荀爽墓東

西二武城博望城

陽翟郡

領縣二

戶一萬四千八百二

口六萬三千八百七十

黃臺 興和元年分陽翟置有葛溝水黃臺岡 陽翟 二漢屬潁川晉屬河南尹興和元年屬有陽翟城康城禹山祠赤沙澗九山祠呂不韋墓

濟州 治濟北稿礮城泰常八年置

領郡五

縣十五

戶五萬三千二百一十四

口一十四萬五千二百八十二

濟北郡 漢和帝置

領縣三

戶九千四百六十七

口二萬九千三百九十九

臨邑 二漢屬東郡晉屬有昌鄉城臨邑城吳城 東阿 二漢屬東郡晉屬有東阿城衛城濟城 盧 前漢屬泰山後漢晉屬有柳舒城鼓城盧子城

平原郡 漢高帝置皇始中屬冀州太和十一年分屬武泰初立南冀州永安中罷州

領縣四



戶二萬二千二百五十

口五萬九千四百三十七

**聊城**

二漢屬東郡晉屬魏置太平鎮後  
罷併郡有王城郡縣治有聊城

**博平**

二漢屬東郡晉屬有  
博平城桑葉城濕水

**茌平**

前漢屬東郡後漢  
屬濟北晉屬治鼓

城在茌平

**西聊**

孝昌中分聊  
城置治聊城

**東平郡**

太常中置太和末罷  
建義中復治秦城

領縣二

戶八千八百九十六

口二萬五千一百三

**范**

二漢屬東郡晉屬竟  
州東平後屬治秦城

**壽張**

前漢曰壽良屬東郡光武改後漢晉屬竟  
州東平後屬有梁山高陽城豐城雲城

**南清河郡**

晉泰寧中分平  
原置治莒城

領縣三

戶一萬一百三十五

口一萬三千九百八十五

**鄒**

二漢晉屬清河太和  
中屬平原治鄒城

**零**

二漢晉屬清河太和  
平原後屬治零城有莒城

**高唐**

二漢晉屬平原後  
罷景明三年復

**東濟北郡**

孝昌三  
年置

領縣三

戶二千四百六十四

口六千六百七十八

**肥城**

前漢屬泰山後漢屬濟  
北晉罷後復屬治肥城

**穀城**

後漢屬東郡晉  
屬濟北後屬

**虵丘**

前漢屬泰山後漢  
晉屬濟北後屬

**光州**

治掖城皇興四年分青州置延  
興五年改為鎮景明元年後

領郡三

縣十四

戶四萬五千七百七十六

口一十六萬九百五十

**東萊郡**

漢高  
帝置



領縣四

戶一萬九千一百九十五

口六萬二千四十四

**掖**州郡治二漢屬晉罷後復

**西曲城**二漢晉曰曲城屬

**東西城**皇興中分曲城

**盧鄉**二漢

有掖山祠秀陽山斧山

**長廣郡**晉武帝置

領縣六

戶一萬五千八百三十三

口五萬一千五百六十七

**昌陽**

二漢屬東萊後罷晉惠帝後復屬有

**長廣**

前漢屬琅邪後屬東萊晉屬有馬山祠

**不其**

挺城望石山凡馬祠五龍廟浮遊水

**即墨**郡治前漢屬膠東國後漢屬

**當利**

二漢屬東萊後屬有樂毅城

屬有當利城

**東牟郡**

孝昌四年分東郡

領縣四

戶一萬七百四十八

口四萬七千三百三十八

**牟平**

二漢屬東萊晉罷後復有之罘山

**黃**

二漢晉屬東萊有

**愷**

二漢晉屬東萊

**觀陽**

前漢屬

漢屬北海後罷興和中復屬有淳于城觀陽城昌城馬賓山牛耳山

**梁州**

天平初置

領郡三

縣七

戶四萬三千八百一十九

口一十八萬一千九百三

**陽夏郡**

孝昌四年分東郡

領縣五

陳留置治雍丘城



戶一萬六千五百四十九

口六萬三千五百五十九

**陽夏**

前漢屬淮陽後漢屬陳國晉初併梁惠帝復真君七年併扶溝太和十二年復治陽夏城有大小扶溝

**雍丘**

二漢晉屬陳留郡治有抱城廣陵城高陽城少姜城華城白楊

**濟陽**

二漢晉屬陳留延和二年置徐州皇興初罷有濟陽城外黃城東縉城崔城

**圍城**

二漢晉曰圍前漢屬淮陽後漢晉屬陳留後罷景明元年復後改有沙城

**襄**

**邑**

二漢晉屬陳留後罷景明元年復有直陽城楸鄉楸倉

**開封郡**

天平元年分陳留置治開封城

領縣二

戶八千二百七

口三萬六千六百二

**開封**

二漢屬河南晉屬滎陽真君八年併花陵景明元年復孝昌中屬陳留有開封城陳留城孔侯城

**尉氏**

二漢晉屬陳留與安初併死陵太安三年復治尉氏城有陵有亭

**陳留郡**

漢武帝置大和十一年罷孝昌中復

領縣三

戶一萬九千六百十二

口八萬二千七百四十二

**浚儀**

州郡治二漢晉屬後罷孝昌二年復有信陵君冢張耳冢董仲舒冢樊於期冢邊讓冢倉垣城濼水在大梁城東分為蔡渠聖女淵雉臺

**封丘**

二漢晉屬真君九年併酸

**小黃**

二漢晉屬真君八年併外黃大和中復有昭靈后冢陳冢蔡邕冢小黃城

**豫州**

劉義隆置司州治懸瓠城皇興中改

領郡九

縣三十九

戶四萬一千一百七十二

口九萬六千九百一十六

**汝南郡**

漢高帝置

領縣八

戶一萬五千八百八十九

口三萬七千六十一



上蔡 州郡治二漢晉屬有武陵城 臨汝 劉裕置魏因之有固城 平輿 二漢晉屬有平輿城 安城 二漢晉屬 西平 二漢晉屬 瞿陽 二漢晉屬

陽安 二漢晉屬 保城 劉駿置魏因之

穎川郡 太和六年置

領縣三 戶八千三百九十六

口二萬六百四十

邵陵 二漢屬汝南晉屬有邵陵城鄧城 臨穎 二漢晉屬有葛丘王陵城 曲陽 前漢屬東海後漢屬下邳晉屬

汝陽郡

領縣三

戶七千二百五十四

口一萬五千二百四十五

汝陽 郡治二漢晉屬汝南後屬有章華臺 武津 有武津城 征羌 後漢屬汝南後屬

義陽郡 永安二年置鄧州天平四年罷州置

領縣五

戶一千七百九十

口四千五百九十五

義陽 有鍾離城 清丘 有馬鄉城 平陽 有宜春城 真陽 有宜春城 安陽 後漢屬汝南晉屬

新蔡郡 晉置孝昌中陷後復治石母臺

領縣三

戶一千九百一十七

口四千七百七十八

新蔡 二漢屬汝南晉屬汝陰 鮦陽 二漢屬汝南晉屬汝陰司馬衍併新蔡後復屬魏因之永安中陷武定中復有蔡城 固始 二漢屬汝南晉屬汝

初安郡 延興二年置孝昌中陷後復



領縣四

戶二千二十六

口五千九百二十二

新懷

有樂山

安昌

前漢屬汝南後屬

懷德

有清水山銅山浮石山

昭越

有木連山

襄城郡

晉武帝置治襄城

領縣三

戶一千四百四十六

口四千六十三

義綏

遂寧

武陽

城陽郡

太和三年置後罷武定初復

領縣五

戶五百四十六

口一千三百八十八

安定

淮陰

真陽

建興

建寧

廣陵郡

興和中分東豫州置

領縣五

戶一千九百六

口三千二百二十四

宋安

興和中置

光城

興和中置

安蠻

興和中置

新蔡

興和中置

汝南

興和中置

北豫州

後漢治譙魏治汝南安城晉治項司馬德宗置司州泰常中復治虎牢太和十九年罷置東中府天平初罷改復

領郡三

縣十二

戶四萬七百二十八

口一十八萬二千五百五十一

廣武郡

天平初分滎陽置治中左城



領縣五

戶一萬五千五百九十六

口七萬四千五百一十九

曲梁

孝昌中分密置有武陵城曲梁城

原武

二漢屬河南晉罷孝昌中復後屬有五馬淵白馬淵原武扶

陽武

二漢屬河南晉屬滎陽太平初屬有陽武城黃

中牟

二漢屬河南晉屬滎陽真君八年併陽武景

苑陵

二漢屬河南晉屬汝陽太平初屬有

滎陽郡

領縣五

戶二萬一千四百七十二

口九萬二千三百一十

滎陽

二漢屬河南晉屬有滎陽山滎陽城故倉

成臯

二漢晉屬

京

二漢屬河南晉屬有萬尹

密

二漢屬河南晉屬治密城有承雲山青

卷

二漢屬河南晉屬真君八年

成臯郡

天平元年分滎陽置

領縣二

戶三千六百六十

口一萬五千七百四十

西成臯

天平元年分滎陽之成臯置州郡

鞏

二漢晉屬河南太平初屬

徐州

後漢治東海郡

領郡七

縣二十四

戶三萬七千八百一十二

口一十萬八千七百八十七

彭城郡

漢高帝置楚國宣帝改後復為楚

領縣六

戶六千三百三十九

口二萬三千八百四十一



**彭城** 前漢屬楚國後漢晉屬有寒山孤山龜山黃呂 前漢屬楚國後漢晉屬有呂梁城萊更山  
山九里山桓魋冢亞父冢楚元王家墓勝冢 偏陽城明星陂龍泉塘石頭山項羽山

**薛** 二漢晉屬魯國後屬有奚公 龍城 有楚王墓龍城漢 留 一漢晉屬有微山留城微子冢張良  
山奚仲廟薛城孟嘗君冢 赤塘陂龍城 冢祠廣戚城薛城戚夫人廟黃山祠

**睢陵** 前漢屬臨淮後漢晉屬下邳晉亂屬濟  
陰武定五年屬有睢陵城九子山荆山

**南陽平郡** 治沛南界後  
寄治彭城

領縣三

戶三千七十一

口六千三百五十八

**襄邑** 陽平 濮陽

**蕃郡** 孝昌三年置元象二年  
併彭城武定五年復

領縣三

戶四千三百九十二

口一萬八千八百四十二

**蕃** 一漢晉屬魯國 永興 皇興初置屬建昌郡太和十五年  
後屬合蕃城 年罷郡屬彭城武定五年屬 永福 皇興初置屬建昌郡太和十九  
年罷郡屬彭城武定五年屬

**沛郡** 故秦泗水郡漢高帝  
更名後漢為國後改

領縣三

戶四千四百一十九

口一萬二千二百七十八

**蕭** 二漢晉屬有蕭城漢 沛 二漢晉屬有漢高  
高祖廟谷水華山 祖廟沛城呂母冢 相 二漢晉屬有厥城  
相城相山廟羅山

**蘭陵郡** 晉置後罷武定  
五年復治永城

領縣四

戶十千四百二十四

口一萬五千七百七十六

**昌慮** 二漢晉屬東海後  
屬有挑山孤山 承 二漢晉屬東海後屬  
有抱犢山承城坊山 合鄉 二漢晉屬東海  
後屬有三孤山 蘭陵 二漢晉屬東海  
後屬有蘭陵山

石孤山  
荀卿冢



北濟陰郡

劉駿置魏因之  
之治單父城

領縣三

戶八千五百四十六

口二萬一千九百八十八

豐

二漢晉屬沛後屬有豐  
城漢高祖舊宅廟碑

離狐

晉亂置郡治有單襄公祠密  
子賤祠漢高祖祠平洛城

城武

前漢屬山陽後漢晉  
屬濟陰後屬治郟城

碭郡

孝昌二年置  
治下邑城

領縣二

戶三千六百二十一

口八千七百五十四

安陽

孝昌二年置  
治麻城後復屬治魯城

西兗州

孝昌三年置治定  
陶城後徙左城

領郡二

縣七

戶三萬七千四百七

口一十萬三千八百九十四

沛郡

興和二年置  
治孝昌城

領縣三

戶七千五百七十一

口二萬三百一十四

考

已氏

前漢屬梁國後漢晉屬濟  
陰後屬有新中城安陽城

新安

興和  
中置

濟陰郡

領縣四

戶二萬九千八百三十六

口八萬三千五百八十

定陶

二漢晉屬  
有定陶城

離狐

前漢屬東郡後漢晉  
屬有離狐城桃城

宛句

二漢晉屬治宛  
句城有南陽城

乘氏

二漢晉屬有大鄉  
城梁丘城廩城



南兗州 正光中置 治譙城

領郡七

縣二十一

戶三萬七千一百三十

口一十萬五千五百三十九

陳留郡

領縣五

戶六千二百三十

口一萬六千七百四十九

小黃

劉裕置魏因之有曹騰墓曹嵩墓鄧艾祠

浚儀

有城

谷陽

有苦城陽都陂老子廟藥城

東燕

有蔡水馮唐冢

武平

正始中置有武

平城賴鄉城天平二年置鎮武穿七年罷

梁郡 故秦碭郡漢高帝為梁國後改治梁國城

領縣二

戶一萬三百五十九

口二萬五千九百九十五

襄邑

二漢晉屬陳留後屬治胡城

睢陽

二漢晉屬郡治

下蔡郡

太和十九年置孝昌中陷興和中後

領縣四

戶三千三百六十二

口七千九百七十三

樓煩

孝昌中陷興和中後

下蔡

前漢屬沛後屬孝昌中陷興和中後

臨淮

永平二年置孝昌中陷興和中後

龍亢

二漢屬沛晉屬譙國後罷永安二年復屬

譙郡

二漢縣屬沛晉以為郡太昌中陷武定中復

領縣三

戶五千一百三十二



口一萬二千九百九十一

蒙陵 二漢晉屬 梁國後屬 前漢屬陳留後漢晉屬梁 國後屬孝昌中陷後復

北梁郡

領縣二

戶八千二百三十一

口四萬一千七百三十八

城安 孝昌中置郡 治有蛟龍城 孝陽 孝昌中置 治亳城

沛郡 延昌中置正光中 陷後復治黃楊城

領縣二

戶一千八百四十八

口四千五百六十五

蕭相 延昌中置 治虞城 中置

馬頭郡 司馬德宗置魏因之正光 中陷天平中復治建平城

領縣三

戶一千九百六十八

口五千五百二十八

斬 正光中陷 天平中復 後漢屬陳留正光中陷 興和中徙治平石城 下邑 前漢晉屬晉屬梁國孝昌元年 置臨浚郡縣屬興和中罷郡屬

廣州 永安中置治魯陽武 定中陷徙治襄城

領郡七

縣十五

戶二萬八千六百九十六

口九萬六千七百二十八

南陽郡

領縣二

戶七千四百八十九



口二萬六千七百二十八

南陽

有大劉山祠 城 有峽

順陽郡

太和中路縣後改

領縣二

戶二千四十五

口七千二百五十二

龍陽

太和十一年置 龍山 太和十七年置有龍山

定陵郡

永安中置

領縣三

戶三千六百九十

口八千七百五十六

北舞陽

皇興元年置有木坡 雲陽 太和十一年置 西舞陽 天安元年置正光中廢

魯陽郡

太和十一年置鎮十八年改為荊州二十二年罷置

領縣二

戶二百四十五

口七百七十五

山北

太和十一年置有應山應城 河山 太和二十一年置

汝南郡

永安元年置治符壘城

領縣二

戶七百八十三

口二千三百四十四

汝南

太和十一年置 符壘 太和中置有沙水

漢廣郡

永安中置

領縣二



戶六千二百

口八千一十七

**昆陽** 二漢屬潁川晉屬襄城後屬有漢廣城昆陽城新安 **高陽** 太和元年置有泚水南襄城東西二蒲城高陽山皮城首山祠

**襄城郡** 置

領縣二

戶八千二百四十四

口四萬二千八百七十八

**繁昌** 晉屬有繁昌城潁鄉城安陽城陽城 **襄城** 二漢屬潁川晉屬有潁陽城繁昌城

**膠州** 永安二年置治東武陵

領郡二

縣十四

戶二萬六千五百六十二

口六萬三千八百八十二

**東武郡** 永安二年置

領縣三

戶八千六百一十七

口一萬八千七百五十七

**姑幕** 二漢屬琅邪晉屬城陽後罷永安中復屬有荆苔山公冶墓 **扶其** 永安中置有常山祠扶其水沙城雲母山瀘水 **梁鄉** 永安中置有梁鄉城五弩山膠水出焉紀丘山琅邪臺秦始皇碑

興和中立臨海郡尋罷屬焉

**高密郡** 漢文帝為膠西國宣帝更為高密國後漢併北海晉惠帝復劉駿併北海延昌中復

領縣五

戶七千五百五

口一萬六千一百五十三

**高密** 前漢屬後漢屬北海晉屬城陽後屬有高密城維水鄭玄墓 **夷安** 前漢屬後漢屬北海晉屬城陽後屬有夷安城夷安澤 **黔陬** 前漢屬琅邪後漢屬東萊晉屬

**平昌** 前漢屬琅邪後漢屬北海晉屬城陽魏初屬平昌郡延昌中屬治平昌城有龍臺山上有井云與荆水通 **東武** 二漢屬琅邪晉屬城陽後

城陽後屬有黔陬城野艾山祠



屬有平昌城

平昌郡 魏文帝置後廢晉惠帝復

領縣六

戶一萬四百四十

口二萬五千四百七十二

昌安 前漢屬高密後漢屬北海晉屬城陽後屬有巨丘亭昌安城 淳于 二漢屬北海晉屬城陽後屬有淳于城鐵山 營陵 二漢屬北海晉屬琅邪後屬有營陵

安丘 二漢屬北海晉屬琅邪有石崇墓邢原墓 朱虛 前漢屬琅邪後漢屬北海晉屬琅邪後屬有九山丹水所出 琅邪 二漢屬琅邪晉罷後復屬有管

洛州 太宗置太和十七年改為司州天平初復

領郡六

縣十二

戶一萬五千六百七十九

口六萬六千五百二十一

洛陽郡 天平初置

領縣二

戶三千六百五十九

口一萬五千七十二

洛陽 二漢晉屬河南太和十七年併南天平初置 緱氏 二漢晉屬河南太和十七年併洛陽天平初復屬有緱氏城

河陰郡 元象二年置

領縣一

戶二千七百六十七

口一萬四千七百一十五

河陰 晉置太宗併洛陽正始二年復屬河南

新安郡 天平初置

領縣二

魏書卷六



戶四百九十

口一千九百一十一

新安

二漢屬恒農晉屬河南太和十年改為郡十九年復後屬

東垣

二漢晉屬河東後屬

河南

二漢晉屬河南後屬

中川郡

天平初置

領縣二

戶二千七十八

口八千二百二十五

堙陽

太和十三年分潁陽置

潁陽

天安二年置

河南郡

秦置三川守漢改為河南郡後漢晉為尹後罷司馬德宗置後罷太宗復大和中遷都為尹天平初改

領縣一

戶三千六百四十二

口一萬四千七百一十五

宜遷

天平二年置

陽城郡

孝昌二年置

領縣三

戶三千四十三

口一萬一千八百八十三

陽城

二漢屬潁川晉屬河南後罷正光中復屬有少室山嵩高山許由墓啟母廟

潁陽

二漢屬潁川後屬

康城

孝昌中分陽城置有陽城關箕山許由隱窟刑

山鄭子產廟

南青州

治國城顯祖置為東徐州太和二十二年改

領郡三

縣九

戶一萬五千二十四

口四萬五千三百二十二

東安郡

二漢縣晉惠帝置



領縣三

戶四千六百四十

口一萬六千五百五十一

蓋 二漢屬泰山晉屬琅邪後屬有東安城靈山廟 新泰 有蒙山 發干 有危山廟

東莞郡 晉武帝置

領縣三

戶九千六百二十

口二萬六千五百六

莒 前漢晉屬城陽後漢屬琅邪後屬有莒城 東莞 二漢晉屬琅邪晉屬城陽後屬 諸 二漢屬琅邪晉屬城陽後屬

義塘郡 武定七年置治黃郭城

領縣三

戶七百六十四

口二千二百六十五

義塘 武定七年置 歸義 武定七年置有盧山鹽倉 懷仁 武定七年置有吳山魏山莒城

北徐州 永安二年置

領郡二

縣五

戶一萬四千七百八十一

口四萬一百二十五

東泰山郡 皇興三年分泰山置屬兗州永安中屬

領縣二

戶五千七

口一萬六千三百八十一

南城 前漢屬東海後漢晉屬泰山有東安城武城闕石山 新泰 魏置晉屬泰山後屬有嶧山 武陽 二漢晉為南武陽屬泰山後改有顯東城蒙山

琅邪郡 秦置後漢建武中省城陽國以其縣屬



領縣二

戶九千七百七十四

口二萬三千七百四十四

卽丘

前漢屬東海後漢晉屬有繒城臨沂城卽丘城魯國山廟王休徵冢泰山晉屬有費城

北楊州

天平二年置治項城

領郡五

縣十九

戶九千八百四十五

口三萬二千一百三十九

陳郡

漢高帝置爲淮陽國後漢章帝更名陳國晉初併梁國後復改

領縣四

戶三千二十四

口七千六百六十九

項

二漢屬汝南晉屬梁國後屬有方城

長平

前漢屬汝南後漢屬陳國晉屬潁川有長平城習陽城晉初省惠帝永康元年復

西華

二漢屬汝南晉初省惠帝永康元年

復屬潁川後

襄邑

治思屬治西華城

南頓郡

晉惠帝置

領縣四

戶二千五百二十

口七千二百六十五

南頓

二漢晉屬汝南後屬有頰陰城南頓城漢光武廟

和城

有高陽丘

平鄉

有平鄉城

新蔡

二漢屬汝南晉屬汝陰後屬

汝陰郡

晉武帝置太和十八年爲東郢州後罷治社亭城

領縣三

戶一千七百九十四

口八千四百九十八

汝陰

二漢屬汝南晉屬

宋

前漢曰新郟屬汝南後漢改晉屬後罷太和元年復屬

許昌



丹楊郡

領縣四

戶二千一百四十四

口七千九百三十一

秣陵

有次水

邵陵

南陽

白水

陳留郡

武定六年置及縣

領縣四

戶三百六十七

口七百七十五

小黃

宋

雍丘

新蔡

東楚州

司馬德宗置宿豫郡高祖初立東徐州後陷世宗初改為鎮後陷武定七年復改為宿豫郡

領郡六

縣二十

宿豫郡

領縣四

戶六千五百三十一

口二萬七千一百三十二

戶一千六百五十五

口七千三百七

宿豫

武定七年置

新昌

武定七年置

臨泗

武定七年改蕭衍平原清河置有東西二竹城

濠夷

高平郡

治大徐城

領縣四

戶九百二十

口三千九十六

高平

武定七年改蕭衍東平陽平清河歸義四郡置

朱沛

武定七年改蕭衍朱沛修儀安豐三郡置有朱沛水徐君墓即延陵季子掛劍處

白水

武定七年改蕭



行濟陰郡置襄邑武定七年改蕭衍館陶郡置下邳梁招高平四縣置

淮陽郡蕭衍置魏因之

領縣四

戶一千六百一十七

口七千二百七十七

角城武定七年改蕭衍臨清天綏化武定七年改蕭衍綏化招義武定七年改蕭衍淮

陽武定七年改蕭衍

晉寧郡蕭衍置魏因之

領縣四

戶一千二百二十二

口五千二十三

臨清武定七年改蕭衍梁興臨富城武定七年改蕭衍下招農武定七年改蕭衍

陵郡十三縣置有晉寧城

安遠郡武定七年改蕭衍安遠置治安遠城

領縣二

戶五百八十

口二千三百八十二

鉅鹿郡治武定七年改蕭淮浦武定七年改蕭衍太

臨沐郡蕭衍置魏因之

領縣二

戶五百三十五

口二千一百七

臨沐有馬招遠微城

東徐州孝昌元年置永熙二年州郡招遠微城

武定八年復治下邳城



領郡四

縣十六

戶六千二百八十一

口三萬六百六十五

下邳郡

領縣六

戶一千一百四十八

口三千七百三十九

下邳

前漢屬東海後漢晉屬有沂水巨川神祠

良城

前漢屬東海後漢晉屬有栢山

僮

前漢屬臨淮後漢晉屬

坊亭

武定八年改晉寧置

柵淵

武定八年置

歸正

武定七年置宿豫置有陳珪墓

武原郡

武定八年分下邳置

領縣三

戶二千八百一十七

口二萬五千五百五十五

武原

前漢屬楚國後漢晉屬彭城後屬有武原水武原城徐偃王墓

開遠

武定八年分良城置有暗關山祠

艾山

武定八年分僮置

邳郡

秦置漢高改為東海後漢為國晉復武定八年改治邳城

領縣四

戶一千二百一十九

口三千三百八十八

邳

二漢晉屬臨沂前漢屬後漢晉屬有建陵山

建陵

前漢屬有建陵山郡治有海王神白馬澤馬嶺山

歸昌

武定八年置

臨清郡

孝昌三年置時昭郡武定八年改

領縣三

戶一千五百一十七

口三千五百六十三

下邳

前漢晉屬臨淮後漢屬下邳後屬

睢陵

武定七年置有睢水

歸義

武定七年置



海州 劉子業置青州武定七年改治龍沮城

領郡六 縣十九

戶四千八百七十八

口二萬二千二百一十

東彭城郡 蕭衍置魏因之

領縣三

戶八百

口三千四百六十九

龍沮 蕭衍置魏因之 安樂 蕭衍置彭城縣武定七年改有伊萊山神聖母祠 渤海 蕭衍置清河縣武定七年改有東海明王神

東海郡 蕭衍改置北海郡武定七年復

領縣四

戶一千二百四十二

口五千九百四

贛榆 前漢置後漢屬 安流 蕭衍置都昌縣武定七年改 廣饒 蕭贖置魏因之 下密 蕭衍置魏因之有堯廟

海西郡 蕭贖置東海郡武定七年改置

領縣三

戶八百六十

口三千九百五十

襄賁 二漢晉屬 海西 武定七年分襄賁置 臨海 蕭衍置魏因之

沐陽郡 蕭衍置僮陽郡武定七年改

領縣四

戶一千三百九十七

口七千五百八十三

下城 武定七年置 臨渣 武定七年置 懷文 武定七年置 服武 武定七年置



琅邪郡

領縣三

戶三百五十六

口一千三百七十一

海安

蕭衍置魏因之有 朐 二漢屬東海晉曰臨朐屬蕭衍改為

山寧

蕭衍北譙郡武定七年改置

武陵郡

領縣二

戶二百二十三

口七百三十三

上鮮

蕭衍齊郡武定七年改置 洛要 蕭衍高密縣武定七年改有武陵城

東豫州

太和十九年晉治廣陵城

領郡六

縣十六

戶三千九十九

口一萬一千三十一

汝南郡

孝昌三年陷武定七年復

領縣五

戶一千六百二十九

口六千四百八十二

南新息

孝昌三年陷武定七年復

北新息

安陽

汝陽

長平

東新蔡郡

領縣四

戶二百四十七

口六百七十七

固始

太和二年置孝昌中陷武定七年復

鄆陽

太和二十三年置孝昌中陷武定七年復

苞信

孝昌中陷武定七年復

汝陽

孝昌三年陷武定七年復



新蔡郡

孝昌中陷武定七年復

領縣二

戶四百六十五

口一千五百一十三

苞信

孝昌三年陷武定七年復

長陵

弋陽郡

孝昌三年陷武定七年復

領縣一

戶一百三十七

口五百二十三

弋陽

孝昌三年陷武定七年復有弋陽城黃水

長陵郡

蕭衍置魏因之

領縣三

戶三百八十七

口一千三百六十三

長陵

蕭衍置魏因之

苞信

蕭衍置魏因之

安寧

蕭衍置魏因之有期思城孫叔敖廟

陽安郡

領縣一

戶二十二

口一百三十一

永陽

義州

蕭衍置武定七年內屬

戶二百一十五

口三百二十二

潁州

孝昌四年置武泰元年陷武定七年復

魏書百六

卷



領郡二十

縣四十

戶三千六百一

口一萬三千三百四十三

汝陰弋陽二郡

蕭衍置雙頭郡魏因之

領縣七

戶一千六百六十五

口六千七十八

汝陰

陳留

蕭衍置魏因之有

樓煩

建義中陷武定七年復

宋

蕭衍置魏因之有荆亭城

息

太和十九年置弋陽後陷武定七年復蕭衍置新息合弋陽魏因之

期思

蕭衍置魏因之

北陳留潁川二郡

蕭衍置陳州武定七年改置

領縣五

戶三百五十一

口一千二百七十二

許昌

蕭衍置魏因之

圍城

雍丘

有蓬丘枝水

陳留

小黃

治安陽城

財丘梁興二郡

蕭衍置魏因之

領縣四

戶二百八十三

口一千六十九

梁興

蕭衍置魏因之有艾亭丘

財丘

梁城

蕭衍置魏因之

汝陽

蕭衍置魏因之

西恒農陳南二郡

蕭衍置魏因之

領縣三

戶二百三十一

口八百六十四

恒農

胡城

蕭衍置魏因之有焦丘雒銅二破神廟

南頓

蕭衍置魏因之有閭水東陵城



東郡汝南二郡

治牛心丘

領縣二

戶一百四十七

口六百二十一

白馬

濟陽

蕭衍置魏因之有石歷陂

清河南陽二郡

蕭衍置魏因之

領縣三

戶一百三十二

口五百五十五

清河

蕭衍置魏因之

南陽

汝南

蕭衍置魏因之

東恒農郡

蕭衍置魏因之

領縣三

戶一百一十九

口四百四十

滎陽

陽武

蕭衍置魏因之

淮陽

武定七年置有平陸

新蔡南陳留二郡

蕭衍置魏因之

領縣一

戶三百五十七

口一千二百四十二

鮑陽

蕭衍置魏因之

滎陽北通二郡

蕭衍置魏因之

領縣四

戶一百七十七

口四百七十二



北通

臨淮

蕭衍置 魏因之

臨沂

汝陰

蕭衍置 魏因之

汝南太原二郡

蕭衍置 魏因之

領縣四

戶八十七

口四百六

平豫

安城

蕭衍置 魏因之

太原

新息

蕭衍置 魏因之

新興郡

蕭衍置 魏因之

領縣四

戶一百一十二

口三百二十四

安城

郡治蕭衍置 魏因之

都立

蕭衍置 魏因之

新興

蕭衍置 魏因之

義興

蕭衍置 魏因之

譙州

景明中置 治潁陽郡 孝古口中陰 武定七年復置州治潁陽城

領郡七

縣十七

戶二千六百一十七

口七千八百二十一

南譙郡

司馬昌明 置魏因之

領縣四

戶四百七十六

口一千七百三十四

渦陽

武定六年置有 北平城曹操祠

茅岡

武定六年置 有石山祠

栢橋

武定六年置

蜀坡

武定六年置

汴郡

蕭衍置 魏因之

領縣二

戶二百五十三

口八百二十九



蕭有平  
阿山 穎川

龍亢郡 蕭衍置  
魏因之

領縣二

戶三百三十三

口一千六十六

葛山 武定六年置 龍亢 武定六年置

蕪城郡 蕭衍置  
魏因之

領縣二

戶三百二十四

口七百六

廣平 武定六年置有  
艾平城黃丘 蕪城 武定六年  
置有蕪城

下蔡郡 蕭衍穎川郡武  
定六年改置

領縣二

戶三百四十

口八百七十八

黃城 蕭衍黃城戍武  
定六年改置 肥陽 蕭衍寧陵縣武定六年  
改有大浮城石子澗

臨渙郡 蕭衍置  
魏因之

領縣三

戶七百九

口二千六十二

白揮 治白  
揮城 丹城 治費  
城 渙北 有石  
城

蒙郡 蕭衍置  
魏因之

領縣二

戶二百八十一



口五百四十六

勇山有丹城蒙郡

北荊州武定二年置

領郡三

縣八

戶九百三十三

口四千五十六

伊陽郡武定二年置治伏流城後陷寄治州城

領縣一

戶四十八

口二百八十三

陸渾

新城郡天平中置治孔城後陷從治州城

領縣二

戶三百三十一

口一千四百八十四

新城漢晉屬河南北陸武定五年陷

汝北郡孝昌二年置治陽仁城天平二年罷武定元年復移治梁崔塢五年陷年復治楊志塢

領縣五

戶五百五十四

口二千二百八十九

石臺有平州城南汝原有汝水石澗水治城

東汝南有石樓山黃陂隔陂梁有廣城澤

陽州天平初置尋陷武定初復

領郡二

縣七

宜陽郡孝昌初置屬州天平初屬



領縣三

宜陽

西新安

孝昌三年置

東亭

金門郡

天平初置

領縣四

金門

南澗池

南陝

盧氏

南司州

劉琨置司州正始元年改為郢州孝昌三年陷蕭衍又改為司州武定七年復改置

領郡三

縣七

齊安郡

正始元年置

領縣三

保城

劉駿置魏因鄆有石城山 齊安 正始元年置

義陽郡

魏文帝置後

領縣二

平陽

有師

義陽

屬

永安郡

劉琨置

領縣二

樂寧

有成陽關

東隨

有黃峴關

楚州

蕭衍置北徐州武定七年改治鍾離城

領郡十二

縣二十九

彭沛二郡

領縣三

南陽

有曲陽城

中陽

洛陽

馬頭郡

領縣二

蕲

平預



沛郡

領縣三

蕭

相

巴吾

有當塗山荆山

安定郡

領縣四

濮陽

臨涇

新豐

南陽

廣梁郡

領縣一

相邑

魯郡

蕭衍置魏因之

領縣三

鄒

碭

魯

北譙郡

治陰陵城

領縣二

南蔡

北譙

有荷甫城龍淵

濟陽郡

領縣四

樂平

睢陽

頓丘

齊丘

北陽平郡

領縣二

陽平

濮陽

鍾離陳留二郡

領縣五

燕

有孤山白石山

朝歌

浚儀

灌丘

有郡陽城

有九山城黃溪水



合州 蕭衍置魏因之治合肥城

領郡八

縣十七

汝陰郡 州治

領縣二

汝陰 天水

南頓郡

領縣二

南頓 和城

南梁郡

領縣一

慎 南高

北梁郡

領縣二

北蒙 北陳

南譙郡

領縣

蘄 邵陵

盧江郡

領縣三

潛 有野父山 北始新 南始新

西汝南郡

領縣二

安城 有金牛山 新野

北陳郡



領縣二

西華

有野王城舒水

陽夏

霍州

蕭衍置魏因之

領郡十七

縣三十六

安豐郡

治洛步城

領縣一

安豐

郡治

平原郡

領縣一

清化

北潁川郡

領縣三

潁川

邵陵

天水

梁典郡

領縣一

陽夏

郡治

陳郡

領縣三

開

陽夏

鮦陽

北陳郡

治衛山城

領縣一

陽夏

扶風郡

治烏溪城

北沛郡



領縣五

沛 曲陽 相 順 新蔡治郡

南陳郡治州

領縣二

南陳治立 康城 邊水

新蔡郡

領縣三

汝陽 新蔡 固始

岳安郡

領縣二

安城 義興

邊城郡治麻 步山

領縣一

史水

西邊城郡

領縣三

史水 宇樓 開化

西沛郡

領縣三

蕭 沛 平陽

淮南郡

領縣三

淮南 新興 清河

樂安郡



領縣三

新蔡 樂安 潁川

南潁川郡

領縣一

譙

睢州 蕭衍置潼州武定元年平改置治取慮城

領郡五

縣十二

淮陽郡 武定六年置

領縣二

淮陽 武定六年置 睢陵 武定六年置

穀陽郡 治穀陽城太和中置鎮世宗開置平陽郡孝昌中陷武定六年復改

領縣二

連城 武定六年置 高昌 武定六年置

睢南郡 蕭衍置沛郡武定六年改

領縣二

斛城 武定中改蕭衍淮陽 新豐 武定六年置

南濟陰郡 治竹邑城孝昌中陷蕭衍為睢州武定五年復

領縣二

頓丘 定陶 有諸陽山

臨潼郡 治臨潼城孝昌中陷武定六年置

領縣四

晉陵 郡治武定六年置 取慮 州治 寧陵 武定六年置 夏丘 武定六年置

南定州 蕭衍置魏因之治蒙籠城

領郡五

縣七



弋陽郡州治

領縣二

汝南 期思

汝陰郡治汝陰城

領縣一

汝陰

安定郡

領縣一

安定

新蔡郡治新蔡城

領縣一

新蔡

北建寧郡

領縣二

建寧 陽武

西楚州蕭衍置魏因之治楚城

領郡三

縣七

汝陽郡蕭衍置魏因之

領縣一

義陽蕭衍置魏因之

仵城郡蕭衍置魏因之

領縣二

城陽蕭衍置魏因之 淮陰蕭衍置魏因之

城陽郡蕭衍置魏因之



領縣四

淮陰

蕭衍置魏因之

平春

蕭衍置魏因之

義興

蕭衍置魏因之

朐城

蕭衍置魏因之

蔡州

治豫州銅陽縣新蔡城

領郡二

縣四

新蔡郡

治四望城

領縣二

南趙

新蔡

汝南郡

治白馬澗

領縣二

新息

南頓

西淮州

蕭衍置魏因之治豫州界白荷堆

領郡一

縣二

淮州郡

治州

領縣二

真陽

梁輿

譙州

蕭衍置魏因之治新昌城

領郡四

縣十五

高塘郡

治高塘城

領縣四

平阿

盤塘

石城

蘭陵

臨徐郡

治葛城

領縣三

懷德

烏江

鄆

南梁郡



領縣四

慎 梁 蒙 譙

新昌郡

領縣四

赤湖 荻港 薄陽 頓丘

揚州 後漢治歷陽魏治壽春後治建業晉亂置豫州治裕蕭道成並同之景明中改孝昌中陷武定中復

領郡十

縣二十一

梁郡

領縣二

崇義 有楚城 蒙 有馬頭城

淮南郡

領縣三

壽春 故楚有會陵城 汝 有楊泉城少溝水 西宋

北譙郡 永平元年置

領縣二

安陽 北譙

陳留郡

領縣二

浚儀 有竹城 雍丘 有曹城

北陳郡

領縣一

長平 有沙陵城

邊城郡

領縣二



期思 郡治有九口山豐城

新蔡郡

領縣二

新蔡 郡治有大蘇山 固始 有大城陂

安豐郡

領縣二

安豐 有城 松茲 有城

下蔡郡

領縣二

下蔡 樓煩

潁川郡

領縣三

相 西華 有澤水 許昌 有峽石山

淮州 蕭衍置魏因之治淮陰城 領郡四

縣九

盱眙郡 治盱眙城 領縣三

盱眙 郡治陽城 直瀆

山陽郡 治山陽城 領縣二

山陽 郡治左鄉

淮陰郡

領縣三

富陵 懷恩 州郡治 魯



陽平郡 治陽平城

領縣一

太清郡 治郡

仁州 蕭衍置魏因之治赤坎城

領郡一

縣二

臨淮郡

領縣二

已吾郡 治郡 義城

光州 蕭衍置魏田之治光城

領郡五

縣十

北光城郡

領縣二

光城 州治 樂城

弋陽郡

領縣二

北弋陽郡 治郡 南弋陽

梁安郡

領縣二

濟陽郡 治郡 陽城

南光城郡

領縣二

光城 郡治 南樂安

宋安郡 治大城

領縣二



樂寧郡 治宋安

南朔州 蕭衍置魏因之治齊坂城

領郡六

縣六

梁郡

領縣一

新息

新蔡郡

領縣一

鮑陽

邊城郡 治石頭城

領縣一

邊城

義陽郡

領縣一

義陽

新城郡 治新城有關城

領縣一

新城

黃川郡

領縣一

安定

南建州 蕭衍置魏因之治高平城

領郡七

縣十七

高平郡



領縣四

高平 譙 弋陽 義昌

新蔡郡

領縣二

新蔡 安定

陳留郡

領縣三

陳留郡治京兆 潁川

魯郡

領縣二

魯 義興

南陳郡

領縣二

南陳 環城

光城郡

領縣三

光城 邊城 婆水

清河郡

領縣一

清河

南郢州蕭衍置魏因之治赤石關

領郡三

縣七

定城郡

領縣二

定城郡

定城郡



宇婁

邊城

邊城郡

領縣一

茹由

光城郡

治赤石城

領縣一

光城

沙州

蕭衍置魏因之治白沙關城

領郡二

縣二

建寧郡

領縣一

建寧

齊安郡

領縣一

梁豐

北江州

蕭衍置魏因之治鹿城關

領郡六

縣六

義陽郡

領縣一

義陽

州郡治

齊昌郡

領縣一

齊昌

新昌郡



領縣一

興義

梁安郡

治建昌城

領縣一

梁興

光城郡

領縣一

光城

齊興郡

領縣一

西平

湘州

蕭衍置魏因之治大治關城

領郡三

安蠻郡

領縣一

新化

州郡治

梁寧郡

領縣一

潯陽

永安郡

領縣一

新城

汴州

蕭衍置魏因之治汴城

領郡二

縣四

縣三



汴郡

領縣三

蕭

潁川

相

臨淮郡

領縣一

臨淮

財州

武定八年置治豫州銅縣固始城

前件自陽州已下二十三州並緣邊新附地居險遠故郡縣戶口有時而闕

魏書卷一百六中

地形志二中第六終

魏書卷一百六中



